

ओं नमः परमात्मने, श्री महागणपतये नमः,
श्री गुरुभ्यो नमः, हरिः ओं

कृष्ण यजुर्वेदीय तैत्तिरीय संहिता पद पाठः
(वाक्य सहित)

चतुर्थकाण्डे द्वितीयः प्रश्नः

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in

Table of Contents

4 कृष्ण यजुर्वेदीय तैत्तिरीय संहितायां पद

पाठे चतुर्थं काण्डं

3

4.2 चतुर्थकाण्डे द्वितीयः प्रश्नः – देवयजनग्रहाभिधानं.....3

पद पाठे (वाक्य सहित) – चतुर्थकाण्डे – द्वितीयः प्रश्नः

ओं नमः परमात्मने, श्री महागणपतये नमः,
श्री गुरुभ्यो नमः , हरिः ओं

4 कृष्ण यजुर्वेदीय तैत्तिरीय संहितायां पद पाठे

चतुर्थं काण्डं

4.2 चतुर्थकाण्डे द्वितीयः प्रश्नः – देवयजनग्रहाभिधानं

4.2.1.1

विष्णोः॑ क्रमो॑ऽस्य॑भिमाति॒हा गाय॑त्रं छन्द॒ आ रो॑ह पृथि॒वीमनु॑
विक्र॑मस्व॒ निर्भ॑क्तः स॒ यं द्वि॒ष्मो विष्णोः॑ क्रमो॑ऽस्य॑भिश्चि॒स्तिहा
त्रैष्टु॑भं छन्द॒ आ रो॑हान्तरि॒क्षमनु॑ विक्र॑मस्व॒ निर्भ॑क्तः स॒ यं द्वि॒ष्मो
विष्णोः॑ क्रमो॑ऽस्य॑राती॒यतो॒ हन्ता॑ जाग॑तं छन्द॒ आ रो॑ह दि॒वमनु॑
विक्र॑मस्व॒ निर्भ॑क्तः स॒ यं द्वि॒ष्मो विष्णोः॑ – [] 1

4.2.1.1 - Padam

विष्णोः॑ । क्रमः॑ । असि॑ । अभि॒माति॑हेत्य॒भिमाति॑ – हा । गाय॑त्रम् ।
छन्दः॑ । एति॑ । रो॒ह । पृथि॒वीम् । अनु॑ । वीति॑ । क्रम॒स्व ।

निर्भक्त॑ इति॒ निः – भक्तः॑ । सः॑ । यम् । द्विष्मः॑ । विष्णोः॑ । क्रमः॑ ।
 असि॑ । अभिश॑स्तिहेत्यभिश॑स्ति – हा । त्रैष्टु॑भम् । छन्दः॑ ।
 एति॑ । रोह॑ । अन्तरि॑क्षम् । अनु॑ । वीति॑ । क्रम॑स्व । निर्भक्त॑ इति॒
 निः – भक्तः॑ । सः॑ । यम् । द्विष्मः॑ । विष्णोः॑ । क्रमः॑ । असि॑ ।
 अरा॑तीयतः । हन्ता॑ । जागत॑म् । छन्दः॑ । एति॑ । रोह॑ । दिव॑म् । अनु॑ ।
 वीति॑ । क्रम॑स्व । निर्भक्त॑ इति॒ निः – भक्तः॑ । सः॑ । यम् ।
 द्विष्मः॑ । विष्णोः॑ । 1 (50)

4.2.1.2

क्रमो॑ऽसि शत्रू॑यतो हन्ता॑ऽनुष्टु॑भं छन्द॑ आ रोह॑ दिशो॑ऽनु
 विक्र॑मस्व निर्भक्तः॑ स यं द्विष्मः॑ ।
 अक्र॑न्ददग्निः स्तन॑यन्निव द्यौः क्षामा॑ रेरि॑हद्-वीरु॑धः सम॑ञ्जन् ।
 सद्यो॑ जज्ञा॑नो वि ही॑मिद्धो अख्य॑दा रोद॑सी भानु॑ना भात्य॑न्तः ।
 अग्ने॑ऽभ्यावर्ति॑न्नभि न आ॑ वर्त॑स्वाऽऽयु॑षा वर्च॑सा स॒न्या मे॒धया॑ प्र॒जया॑
 धने॑न । अग्ने॑ – [] 2

4.2.1.2 - Padam

क्र॑मः । अ॒सि॑ । श॒त्रू॒य॒त॑ इति॑ श॒त्रु॑ - य॒तः॑ । ह॒न्ता॑ ।
आ॒नु॒ष्टु॒भ॒मि॒त्या॒नु॑ - स्तु॒भ॒म् । छ॒न्दः॑ । ए॒ति॑ । रो॒ह॑ । दि॒शः॑ । अ॒नु॑ ।
वी॒ति॑ । क्र॒म॒स्व॑ । नि॒र्भ॒क्त॑ इति॑ निः - भ॒क्तः॑ । सः॑ । य॒म् । द्वि॒ष्मः॑ ।
अ॒क्र॒न्द॒त् । अ॒ग्निः॑ । स्त॒न॒य॒न् । इ॒व॑ । द्यौः॑ । क्षा॒म॑ । रे॒रि॒ह॒त् ।
वी॒रु॒धः॑ । स॒म॒ञ्ज॒न्नि॒ति॑ सं - अ॒ञ्ज॒न् । स॒द्यः॑ । ज॒ज्ञा॒नः॑ । वी॒ति॑ ।
हि॑ । ई॒म् । इ॒द्धः॑ । अ॒ख्य॑त् । ए॒ति॑ । रो॒द॒सी॑ इति॑ । भा॒नु॒ना॑ । भा॒ति॑ ।
अ॒न्तः॑ । अ॒ग्ने॑ । अ॒भ्या॒व॒र्ति॒न्नित्य॑भि - आ॒व॒र्ति॒न् । अ॒भी॒ति॑ । नः॑ ।
ए॒ति॑ । व॒र्त॒स्व॑ । आ॒यु॒षा॑ । व॒र्च॑सा । स॒न्या॑ । मे॒धया॑ ॥
प्र॒ज॒ये॒ति॑ प्र - जया॑ ॥ ध॒ने॒न॑ । अ॒ग्ने॑ ॥ 2 (50)

4.2.1.3

अ॒ङ्गि॒रः॑ श॒तं॑ ते॒ स॒न्त्वा॒वृ॒तः॑ स॒ह॒स्रं॑ त उ॒पा॒वृ॒तः॑ ।
ता॒सां॑ पो॒ष॒स्य॑ पो॒षे॒ण॑ पु॒न॒र्नो॑ नष्ट॒मा॑ कृ॒धि॑ पु॒न॒र्नो॑ र॒यि॒मा॑ कृ॒धि॑ ।
पु॒न॒रू॒र्जा॑ नि॒व॒र्त॒स्व॑ पु॒न॒र॒ग्न॑ इ॒षा॑ऽऽयु॒षा॑ । पु॒न॒र्नः॑ पा॒हि॑ वि॒श्व॑तः ।

सह॑ र॒य्या नि॑ वर्त॑स्वाग्ने॑ पि॒न्वस्व॑ धार॒या । विश्व॑फि॒स्नया॑ विश्व॑
तस्परि॑ । उ॒दुत्त॑मं वरु॑ण पाश॑ म॒स्मदवा॑धमं - [] 3

4.2.1.3 - Padam

अङ्गि॑रः । श॒तम् । ते । स॒न्तु । आ॒वृत॑ इत्या॑-वृतः॑ । सह॑स्रम् । ते ।
उपा॑वृत॒ इत्युप॑-आ॒वृतः॑ । ता॒साम् । पोष॑स्य । पोषे॑ण । पुनः॑ । नः ।
नष्ट॑म् । एति॑ । कृ॒धि । पुनः॑ । नः । रयि॑म् । एति॑ । कृ॒धि । पुनः॑ ।
ऊर्जा॑ । नीति॑ । वर्त॑स्व । पुनः॑ । अग्ने॑ । इषा॑ । आयु॑षा । पुनः॑ ।
नः । पाहि॑ । विश्व॑तः । सह॑ । र॒य्या । नीति॑ । वर्त॑स्व । अग्ने॑ ।
पि॒न्वस्व॑ । धार॒या । विश्व॑फि॒स्नयेति॑ विश्व॑-फि॒स्नया॑ । विश्व॑तः । परि॑ ।
उदि॑ति । उ॒त्तम॑मित्यु॒त्-तम॑म् । वरु॑ण । पाश॑म् । अ॒स्मत् । अवे॑ति ।

अध॑मम् । 3 (50)

4.2.1.4

वि॑ म॒ध्यम॑ श्र॒थाय॑ । अथा॑ वय॒मादित्य॑ व्र॒ते तवा॑नागसो॒ अदि॑तये
स्याम॑ । आ त्वा॑ऽहार्ष॒-मन्तर॑भूर्धु॒वस्तिष्ठा॑ ऽवि॒चाच॑लिः ।
विश॑स्त्वा सर्वा॑ वाञ्छ॒न्त्वस्मिन्॑ राष्ट्र॒मधि॑ श्रय॑ ।

अग्ने॑ बृ॒हन्नु॑षसामूर्ध्वो॑ अ॒स्थान्निर्जग्मि॑वान्-तम॑सो ज्योति॑षाऽऽगात् ॥
अग्नि॑र्भानु॒ना रु॑शता स्व॒ङ्ग आ जा॑तो विश्वा॒ सद्भान्य॑प्राः ॥

सीद॑ त्वं मा॒तुर॑स्या - [] 4

4.2.1.4 - Padam

वी॑ति । म॒ध्य॒मम् । श्र॒थाय॑ । अथ॑ । व॒यम् । आ॒दि॒त्य । व्र॒ते । तव॑ ।
अना॑गसः । अदि॑तये । स्या॒म । ए॒ति । त्वा । अ॒हा॒र्ष॒म् । अ॒न्तः ।
अ॒भूः । ध्रु॒वः । ति॒ष्ठ । अ॒वि॒चा॒च॒लि॒रि॒त्य॒वि - चा॒च॒लिः । वि॒शः ।
त्वा । सर्वाः॑ । वा॒ञ्छ॒न्तु । अ॒स्मिन् । रा॒ष्ट्रम् । अधी॑ति । श्र॒य ।
अग्ने॑ । बृ॒हन् । उ॒ष॒साम् । ऊ॒र्ध्वः । अ॒स्थात् । नि॒र्ज॒ग्मि॒वा॒नि॒ति
निः - जग्मि॑वान् । तम॑सः । ज्योति॑षा । ए॒ति । आ॒गात् । अ॒ग्निः ।
भानु॑ना । रु॑शता । स्व॒ङ्ग इति॑ सु - अ॒ङ्गः । ए॒ति । जा॑तः । विश्वा॑ ॥
सद्भानि॑ । अ॒प्राः । सीद॑ । त्वम् । मा॒तुः । अ॒स्याः । 4 (50)

4.2.1.5

उप॑स्थे विश्वा॒न्यग्ने॑ व॒यु॒नानि॑ वि॒द्वान् । मैना॑मर्चि॒षा मा तप॑साऽभि
शू॒शु॒चोऽन्त॑रस्याꣳ शु॒क्रज्यो॑तिर्वि॒ भाहि॑ । अ॒न्त॑रग्ने॒ रु॒चा त्वमु॑खायै

स॒द॒ने॒ स्वे॑ । तस्या॒स्त्व॑ ह॒रसा॑ तप॒ञ्जा॒तवे॑दः शि॒वो भ॑व ।
 शि॒वो भू॒त्वा म॒ह्यम॒ग्नेऽथो॑ सी॒द शि॒वस्त्वं॑ । शि॒वाः कृ॒त्वा दि॒शः
 सर्वाः॑ स्वां॑ यो॒निमि॒हाऽऽ स॒दः । ह॒सः शु॒चिष॑ () द्व॒सुर॑न्तरि॒क्ष-
 स॒द्भोता॑ वे॒दिष॑दतिथि॒ दु॒रोण॑सत् । नृष॑द्व॒रस॑द् ऋ॒तस॑द् व्यो॒मस॑द्
 अ॒ब्जा गो॒जा ऋ॒तजा॑ अ॒द्रिजा॑ ऋ॒तं बृ॒हत् । 5

4.2.1.5 - Padam

उप॒स्थ इ॒त्युप॑ - स्थे॒ । वि॒श्वानि॑ । अ॒ग्ने । व॒युनानि॑ । वि॒द्वान् । मा ।
 ए॒नाम् । अ॒र्चिषा॑ ॥ मा । तप॑सा । अ॒भीति॑ । शू॒शुचः॑ । अ॒न्तः ।
 अ॒स्याम् । शु॒क्रज्यो॑तिरिति॒ शु॒क्र-ज्यो॑तिः । वी॒ति । भा॒हि । अ॒न्तः ।
 अ॒ग्ने । रु॒चा । त्वम् । उ॒खायै॑ ॥ स॒दने॑ । स्वे॑ । तस्याः॑ । त्वम् ।
 ह॒रसा॑ । तप॑न् । जा॒तवे॑द इति॒ जा॒त-वे॑दः । शि॒वः । भ॒व । शि॒वः ।
 भू॒त्वा । म॒ह्यम् । अ॒ग्ने । अथो॑ इति॒ सी॒द । शि॒वः । त्वम् । शि॒वाः ।
 कृ॒त्वा । दि॒शः । सर्वाः॑ । स्वा॒म् । यो॒निम् । इ॒ह । ए॒ति । अ॒सदः॑ ।
 ह॒सः । शु॒चिष॑दिति॒ शु॒चि - सत्॑ () । व॒सुः ।

अ॒न्तरि॑क्षसदित्य॑न्तरि॑क्ष - सत् । हो॒ता॑ ॥ वे॒दि॒ष॒दि॒ति॑ वे॒दि - सत् ।
 अ॒ति॒थिः॑ । दु॒रो॒ण॒स॒दि॒ति॑ दु॒रो॒ण - सत् । नृ॒ष॒दि॒ति॑ नृ - सत् ।
 व॒र॒स॒दि॒ति॑ व॒र-सत् । ऋ॒त॒स॒दि॒त्यृ॒त-सत् । व्यो॒म॒स॒दि॒ति॑ व्यो॒म-सत् ।
 अ॒ब्जा॑ इत्य॑प्-जाः । गो॒जा॑ इति॑ गो-जाः । ऋ॒त॒जा॑ इत्यृ॒त - जाः ।
 अ॒द्रि॒जा॑ इत्य॑द्रि - जाः । ऋ॒त॒म् । बृ॒हत् । 5 (66)

(दि॒व॒म॒नु॒ वि॒ क्र॒म॒स्व॒ निर्भ॑क्तः स॒ यन् द्वि॑ष्मो॒ वि॒ष्णो॒ - र्द्ध॑ने॒नाग्ने॑
 - ऽध॑म - म॒स्याः - शु॒चि॑षथ् - षोड॑श च) (A1)

4.2.2.1

दि॒व॒स्प॒रि॑ प्रथ॑मं ज॒ज्ञे॑ अ॒ग्नि॒र॒स्मद् द्वि॒तीयं॑ परि॑ जा॒त॒वे॒दाः ।
 तृ॒तीय॑म॒प्सु॑ नृ॒मणा॑ अ॒ज॒स्र॑मि॒न्धा॒न ए॒नं ज॑रते स्वा॒धीः ।
 वि॒द्वा॒ ते॑ अ॒ग्ने॒ त्रे॒धा॒ त्रया॑णि॒ वि॒द्वा॒ ते॑ स॒द्म वि॑भृ॒तं पु॒रु॒त्रा ।
 वि॒द्वा॒ ते॑ ना॒म॒ पर॑मं गु॒हा॒ यद्वि॑द्वा॒ तमु॑थ्सं॒ यत॑ आज॒गन्थ॑ ।
 स॒मु॒द्रे॑ त्वा॒ नृ॒मणा॑ अ॒प्स्व॒न्त॒र्नृ॒च॒क्षा॑ ई॒धे दि॒वो॑ अ॒ग्न ऊ॒धन् ।
 तृ॒तीयै॑ त्वा - [] 6

4.2.2.1 - Padam

दिवः । परीति । प्रथमम् । जज्ञे । अग्निः । अस्मत् । द्वितीयम् ।
परीति । जातवेदा इति जात - वेदाः । तृतीयम् । अफ्स्वित्यप्-सु ।
नृमणा इति नृ - मनाः । अजस्रम् । इन्धानः । एनम् । जरते ।
स्वाधीरिति स्वा-धीः । विद्म । ते । अग्ने । त्रेधा । त्रयाणि । विद्म ।
ते । सद्म । विभृतमिति वि - भृतम् । पुरुत्रेति पुरु - त्रा । विद्म ।
ते । नाम । परमम् । गुहा । यत् । विद्म । तम् । उथ्सम् । यतः ।
आजगन्थेत्या - जगन्थ । समुद्रे । त्वा । नृमणा इति नृ - मनाः ।
अफ्स्वित्यप्- सु । अन्तः । नृचक्षा इति नृ-चक्षाः । ईधे । दिवः ।
अग्ने । ऊधन् । तृतीये । त्वा । 6 (50)

4.2.2.2

रजसि तस्थिवाꣳ समृतस्य योनौ महिषा अहिन्वन् ।
अक्रन्ददग्निः स्तनयन्निव द्यौः क्षामा रेरिहद्-वीरुधः समञ्जन् ।
सद्यो जज्ञानो वि हीमिद्धो अख्यदा रोदसी भानुना भात्यन्तः ।
उशिक् पावको अरतिः सुमेधा मर्तष्वग्निरमृतो निधायि ।

इ॒य॒र्ति॑ धू॒म॒म॒रु॒षं॑ भ॒रि॑भ्रदु॒च्छु॒क्रेण॑ शो॒चि॒षा॒ द्या॒मि॒नक्ष॑त् ।

वि॒श्व॑स्य॒ के॒तु॑र्भु॒वन॑स्य॒ गर्भ॑ आ - [] 7

4.2.2.2 - Padam

र॒ज॒सि॑ । त॒स्थि॒वा॒स॒म् ॥ ऋ॒त॒स्य॑ । यो॒नौ ॥ म॒हि॒षाः । अ॒हि॒न्व॒न् ।

अ॒क्र॒न्द॒त् । अ॒ग्निः॑ । स्त॒न॒य॒न् । इ॒व । द्यौः॑ । क्षा॒म॑ । रे॒रि॒ह॒त् ।

वी॒रु॒धः॑ । स॒म॒ञ्ज॒न्नि॒ति॑ सं - अ॒ञ्ज॒न् । स॒द्यः॑ । ज॒ज्ञा॒नः॑ । वी॒ति॑ ।

हि॑ । ई॒म् । इ॒द्धः॑ । अ॒ख्य॑त् । ए॒ति॑ । रो॒द॒सी॒ इति॑ । भा॒नु॒ना ॥ भा॒ति॑ ।

अ॒न्तः॑ । उ॒शि॒क् । पा॒व॒कः॑ । अ॒र॒तिः॑ । सु॒मे॒धा इति॑ सु - मे॒धाः॑ ।

म॒र्ते॑षु । अ॒ग्निः॑ । अ॒मृ॒तः॑ । नी॒ति॑ । धा॒यि॑ । इ॒य॒र्ति॑ । धू॒म॒म् ।

अ॒रु॒ष॒म् । भ॒रि॑भ्रत् । उ॒दि॒ति॑ । शु॒क्रेण॑ । शो॒चि॒षा॑ । द्या॒म् । इ॒नक्ष॑त् ।

वि॒श्व॑स्य॒ के॒तुः॑ । भु॒वन॑स्य॒ गर्भः॑ । ए॒ति॑ । 7 (50)

4.2.2.3

रो॒द॒सी॑ अ॒पृ॒णा॒ज्जा॒य॒मा॒नः॑ । वी॒डुं॑ चि॒द॒द्रि॒म॒भि॒न॒त् प॒रा॒य॒न् ज॒ना॒

य॒द॒ग्नि॑म॒य॒ज॒न्त॑ प॒ञ्च । श्री॒णा॒मु॒दा॒रो॑ ध॒रु॒णो॑ र॒यी॒णां॑ म॒नी॒षा॒णां॑ प्रा॒र्प॒णः॑

सो॒म॒गो॒पाः॑ । व॒सोः॑ सू॒नुः॑ स॒ह॒सो॑ अ॒प्सु॑ रा॒जा॒ वि॒ भा॒त्य॒ग्र उ॒ष॒सा॒मि॒धा॒नः॑ ।

यस्ते॑ अ॒द्य कृ॒णवद्-भ॒द्रशो॑चेऽपू॒पं दे॒व घृ॒तव॑न्तमग्ने । प्र॒तं न॑य प्र॒तरां॑
व॒स्यो अ॒च्छाभि॑ द्यु॒म्नं दे॒वभ॑क्तं य॒विष्ठ॑ । आ - [] 8

4.2.2.3 - Padam

रो॒द॒सी इति॑ । अ॒पृ॒णात् । जा॒य॒मा॒नः । वी॒डु॒म् । चि॒त् । अ॒द्रि॒म् ।
अ॒भि॒नत् । प॒रा॒य॒न्नि॒ति॑ प॒रा - य॒न् । ज॒नाः । यत् । अ॒ग्नि॒म् ।
अ॒य॒ज॒न्त॑ । प॒ञ्च॑ । श॒री॒णा॒म् । उ॒दा॒रः । ध॒रु॒णः । र॒यी॒णा॒म् ।
म॒नी॒षा॒णा॒म् । प्रा॒र्प॒ण इति॑ प्र - अ॒र्प॒णः । सो॒म॒गो॒पा इति॑
सो॒म - गो॒पाः । व॒सोः॑ । सू॒नुः । स॒ह॒सः । अ॒प्सि॒स्व॒त्यप्- सु॑ ।
रा॒जा॑ । वी॒ति॑ । भा॒ति॑ । अ॒ग्रे॑ । उ॒ष॒सा॒म् । इ॒धा॒नः । यः । ते॑ । अ॒द्य॑ ।
कृ॒णव॑त् । भ॒द्रशो॑च इति॑ भ॒द्र - शो॑चे । अ॒पू॒पम् । दे॒व ।
घृ॒तव॑न्तमिति॑ घृ॒त - व॑न्तम् । अ॒ग्ने॑ । प्रे॒ति॑ । तम् । न॑य ।
प्र॒तरा॑मिति॑ प्र - त॒राम् । व॒स्यः॑ । अ॒च्छ॑ । अ॒भी॒ति॑ । द्यु॒म्नम् ।
दे॒वभ॑क्तमिति॑ दे॒व - भ॑क्तम् । य॒विष्ठ॑ । ए॒ति॑ । 8 (50)

4.2.2.4

तं भज सौश्रवसेष्वग्न उक्थ-उक्थ आ भज शस्यमाने ।
 प्रियः सूर्ये प्रियो अग्ना भवात्युज्जातेन भिनददुज्जनित्वैः ।
 त्वामग्ने यजमाना अनु द्यून् विश्वा वसूनि दधिरे वार्याणि ।
 त्वया सह द्रविणमिच्छमाना व्रजं गोमन्तमुशिजो वि वव्रुः ।
 दृशानो रुक्म उर्व्या व्यद्यौद्-दुर्मर्षमायुः श्रिये रुचानः ।
 अग्निरमृतो अभवद्-वयोभिर्यदे- () -नं द्यौरजनयथ् सुरेताः ॥ 9

4.2.2.4 - Padam

तम् । भज । सौश्रवसेषु । अग्ने । उक्थ उक्थ इत्युक्थे - उक्थे ।
 एति । भज । शस्यमाने । प्रियः । सूर्ये । प्रियः । अग्ना । भवाति ।
 उदिति । जातेन । भिनदत् । उदिति । जनित्वैः । त्वाम् । अग्ने ।
 यजमानाः । अन्विति । द्यून् । विश्वा । वसूनि । दधिरे । वार्याणि ।
 त्वया । सह । द्रविणम् । इच्छमानाः । व्रजम् । गोमन्तमिति
 गो - मन्तम् । उशिजः । वीति । वव्रुः । दृशानः । रुक्मः । उर्व्या ।
 वीति । अद्यौत् । दुर्मर्षमिति दुः - मर्षम् । आयुः । श्रिये ।

रु॒चा॒नः॑ । अ॒ग्निः॑ । अ॒मृतः॑ । अ॒भवत् । वयो॑भिरिति वयः - भिः ।
यत् () । ए॒नम् । द्यौः॑ । अ॒जन॑यत् । सु॒रेता॑ इति सु॒-रेताः॑ । 9 (54)
(तृ॒तिये॑॑ त्वा - गर्भ॑ आ - य॒विष्ठाऽऽ - य - च्च॒त्वारि॑ च) (A2)

4.2.3.1

अ॒न्नप॑तेऽन्नस्य नो दे॒ह्यन॑मीवस्य शु॒ष्मिणः॑ ।
प्र प्र॒दा॒तारं॑ तारिष ऊ॒र्जं नो॑ धेहि द्वि॒पदे॑ चतु॒ष्पदे॑ ।
उदु॑ त्वा विश्वे॑ दे॒वा अ॒ग्ने भ॑रन्तु चि॒त्तिभिः॑ । स नो॑ भव शि॒वत॑मः
सु॒प्रती॑को वि॒भाव॑सुः । प्रे॒दग्ने॑ ज्योति॒ष्मान् या॑हि शि॒वेभि॑रर्चि॒भिस्त्वं ।
बृ॒हद्भि॑-र्भानु॒भि-र्भा॑सन् मा हि॒ंसी स्त॑नुवा॑ प्र॒जाः ।
स॒मिधा॑ऽग्निं दु॒वस्य॑त घृ॒तैर्बो॑धयतातिथिं । आ - [] 10

4.2.3.1 - Padam

अ॒न्नप॑त इत्यन्न - प॒ते । अ॒न्नस्य॑ । नः । दे॒हि । अ॒नमी॑वस्य ।
शु॒ष्मिणः॑ । प्रेति॑ । प्र॒दा॒तार॑मिति प्र - दा॒तार॑म् । तारि॒षः । ऊ॒र्जम् ।
नः । धे॒हि । द्वि॒पद॑ इति द्वि - पदे॑ । चतु॒ष्पद॑ इति चतुः - पदे॑ ।
उदि॑ति । उ । त्वा । विश्वे॑ । दे॒वाः । अ॒ग्ने । भ॑रन्तु ।

चि॒त्ति॑भि॒रिति॑ चि॒त्ति॑ - भिः॑ । सः॑ । नः॑ । भव॑ । शि॒वत॑म॒ इति॑
शि॒व - तमः॑ । सु॒प्रती॑क॒ इति॑ सु - प्रती॑कः । वि॒भाव॑सु॒रिति॑
विभा॑-वसुः॑ । प्रेति॑ । इत् । अ॒ग्ने । ज्योति॑ष्मान् । याहि॑ । शि॒वेभिः॑ ।
अ॒र्चि॑भि॒रित्य॑र्चि - भिः॑ । त्वम् । बृ॒हद्भि॑रिति॑ बृ॒हत् - भिः॑ ।
भा॒नुभि॑रिति॑ भा॒नु - भिः॑ । भा॒सन् । मा । हि॒॒सीः॑ । त॒नुवा॑ ॥
प्र॒जा इति॑ प्र - जाः॑ । स॒मिधे॑ति॒ सं - इथा॑ ॥ अ॒ग्निम् ।
दु॒वस्य॑त । घृ॒तैः । बो॒धय॑त । अ॒तिथि॑म् । ए॒ति । 10 (50)

4.2.3.2

ऽस्मिन् ह॒व्या जु॑होतन । प्र॒प्राय॑म॒ग्निर्भ॑रतस्य॑ शृ॒ण्वे वि॒ यथ् सूर्यो॑ न
रोच॑ते बृ॒हद्भाः॑ । अ॒भि यः पू॑रुं पृ॒तना॑सु त॒स्थौ दी॒दाय॑ दै॒व्यो ति॑थिः
शि॒वो नः॑ । आ॒पो दे॒वीः प्र॑ति गृ॒हीत॑ भ॒स्मैतथ् स्यो॑ने कृ॒णुध्व॑
सु॒रभा॑वु लो॒के । तस्मै॑ नमन्तां॒ जन॑यः सु॒पत्नी॑र्मा॒तेव॑ पु॒त्रं बि॑भृ॒ता
स्वे॒नं । अ॒फ्स्व॑ग्ने स॒धिष्ट॑व- [] 11

4.2.3.2 - Padam

अ॒स्मिन् । ह॒व्या । जु॒हो॒त॒न । प्र॒प्रे॒ति॒ प्र - प्र । अ॒य॒म् । अ॒ग्निः ।
भ॒र॒त॒स्य॑ । शृ॒ण्वे॑ । वी॒ति॑ । यत् । सूर्यः॑ । न । रो॒च॒ते॑ । बृ॒हत् ।
भाः । अ॒भी॒ति॑ । यः । पू॒रु॒म् । पृ॒त॒ना॒सु॑ । त॒स्थौ॑ । दी॒दा॒य॑ । दै॒व्यः॑ ।
अ॒ति॒थिः॑ । शि॒वः॑ । नः॑ । आ॒पः॑ । दे॒वीः॑ । प्र॒ती॒ति॑ । गृ॒ह्णी॒त॑ । भ॒स्म॑ ।
ए॒तत् । स्यो॒ने॑ । कृ॒णु॒ध्व॒म् । सु॒र॒भौ॑ । उ॒ । लो॒के॑ । त॒स्मै॑ । न॒म॒न्ता॒म् ।
ज॒न॒यः॑ । सु॒प॒त्नी॒रि॒ति॑ सु - प॒त्नीः॑ । मा॒ता॑ । इ॒व॑ । पु॒त्र॒म् । बि॒भृ॒त॑ ।
स्वि॒ति॑ । ए॒न॒म् । अ॒प्स्वि॒त्य॒प् - सु॑ । अ॒ग्ने॑ । स॒धिः॑ । त॒व॑ । 11 (50)

4.2.3.3

सौ॒ष॒धी॒र॒नु॑ रु॒ध्य॒से॑ । गर्भे॑ स॒ञ्जा॒य॒से॑ पु॒नः॑ । गर्भो॑ अ॒स्यो॒ष॒धी॒नां॑
गर्भो॑ व॒न॒स्प॒ती॒नां॑ । गर्भो॑ वि॒श्व॒स्य॑ भू॒त॒स्या॒ग्ने॑ गर्भो॑ अ॒पा॒म॒सि॑ ।
प्र॒स॒द्य॑ भ॒स्म॒ना॑ यो॒नि॒म॒प॒श्च॑ पृ॒थि॒वी॒म॒ग्ने॑ । स॒सृ॒ज्य॑ मा॒तृ॒भि॒स्त्वं॑
ज्यो॒ति॒ष्मा॒न् पु॒न॒रा॒स॒देः॑ । पु॒न॒रा॒स॒द्य॑ स॒द॒न॒म॒प॒श्च॑ पृ॒थि॒वी॒म॒ग्ने॑ ।
शेषे॑ मा॒तु॒र्य॒थो॒प॒स्थे॑ ऽन्त॒र॒स्या॑ शि॒व॒त॒मः॑ । पु॒न॒रू॒र्जा॑ - [] 12

4.2.3.3 - Padam

सः । ओष॑धीः । अ॒न्वि॑ति । रु॒ध्य॑से । गर्भे॑ । सन् । जा॒य॑से । पुनः॑ ।
गर्भः॑ । अ॒सि॑ । ओष॑धीनाम् । गर्भः॑ । व॒न॒स्प॑तीनाम् । गर्भः॑ ।
विश्व॑स्य । भू॒त॑स्य । आ॒ग्ने॑ । गर्भः॑ । अ॒पाम् । अ॒सि॑ । प्र॒सद्ये॑ति
प्र - सद्य॑ । भ॒स्म॑ना । यो॒नि॑म् । अ॒पः । च । पृ॒थि॒वी॑म् । अ॒ग्ने॑ ।
स॒सृ॑ज्येति सं - सृ॒ज्य॑ । मा॒तृ॒भि॒रिति॑ मा॒तृ - भिः॑ । त्वम् ।
ज्योति॑ष्मान् । पुनः॑ । ए॒ति॑ । अ॒सदः॑ । पुनः॑ । आ॒सद्ये॑त्या - सद्य॑ ।
स॒दन॑म् । अ॒पः । च । पृ॒थि॒वी॑म् । अ॒ग्ने॑ । शेषे॑ । मा॒तुः॑ । यथा॑ ।
उप॒स्थ॑ इत्युप - स्थे॑ । अ॒न्तः । अ॒स्याम् ।
शि॒वत॑म इति शि॒व - तमः॑ । पुनः॑ । ऊ॒र्जा॑ । 12 (50)

4.2.3.4

-नि॑ वर्त॒स्व पु॑नर॒ग्न इ॒षा ऽऽयु॑षा । पु॒नर्नः॑ पा॒हि विश्व॑तः ।
स॒ह र॑य्या नि॑ वर्त॒स्वाग्ने॑ पि॒न्वस्व॑ धा॒रया॑ । विश्व॑फि॒स्नया॑ विश्व॑त॒स्परि॑ ।
पु॒नस्त्वा॑ ऽऽदि॒त्या रु॒द्रा व॑स॒वः॑ स॒मिन्ध॑तां पु॒नर्ब्र॑ह्मा॒णो व॑सु॒नीथ॑ य॒ज्ञैः॑ ।
घृ॒तेन॑ त्वं त॒नुवो॑ वर्ध॒यस्व॑ स॒त्याः स॒न्तु॑ य॒जमा॑नस्य॒ कामाः॑ ।

बोधा॑ नो॒ अस्य॑ वच॒सो॑ यवि॒ष्ठ म॑हि॒ष्ठस्य॑ प्रभृ॒तस्य॑ स्वधावः॑ ।
 पीय॑ति त्वो॒ अनु () त्वो॑ गृणाति॑ वन्दारु॑स्ते तनु॑वं वन्दे॑ अग्ने॑ ।
 स बोधि॑ सू॒रिर्मघ॑वा वसु॑दावा॒ वसु॑पतिः॑ । यु॒यो॒ध्यस्मद् द्वेषा॑सि । 13

4.2.3.4 - Padam

नीति॑ । वर्त॒स्व । पुनः॑ । अग्ने॑ । इ॒षा । आयु॑षा । पुनः॑ । नः॑ । पाहि॑ ।
 विश्व॑तः । सह॑ । रय्या॑ । नीति॑ । वर्त॒स्व । अग्ने॑ । पिन्व॑स्व । धारया॑ ।
 विश्व॑प्स्नि॒येति॑ विश्व॑ - फि॒स्नया॑ । विश्व॑तः । परि॑ । पुनः॑ । त्वा॑ ।
 आदि॒त्याः । रुद्राः॑ । वस॑वः । समि॒ति । इन्ध॑ताम् । पुनः॑ । ब्र॒ह्माणः॑ ।
 वसु॑नीथेति॑ वसु॑-नीथ॑ । यज्ञैः॑ । घृ॒तेन॑ । त्वम् । तनु॑वः । वर्ध॑यस्व ।
 सत्याः॑ । सन्तु॑ । यज॑मानस्य । कामाः॑ । बोध॑ । नः॑ । अस्य॑ ।
 वच॑सः । यवि॒ष्ठ । म॑हि॒ष्ठस्य॑ । प्रभृ॒तस्येति॑ प्र - भृ॒तस्य॑ । स्वधा॑व
 इति॑ स्वधा - वः । पीय॑ति । त्वः॑ । अन्वि॑ति () । त्वः॑ । गृणा॑ति ।
 वन्दारुः॑ । ते॑ । तनु॑वम् । वन्दे॑ । अग्ने॑ । सः॑ । बोधि॑ । सू॒रिः ।
 मघ॑वेति॑ मघ - वा॑ । वसु॑दावेति॑ वसु॑ - दावा॑ ।

वसु॑पति॒रिति॑ वसु॑ - पतिः॑ । यु॒योधि॑ । अ॒स्मत् । द्वेषा॑सि । 13 (66)

(आ - तवो॑ - जा॒ऽ - नु॑ - षोड॑श च) (A3)

4.2.4.1

अपे॑त वी॒त वि च॑ सर्प॒तातो॑ येऽत्र॑ स्थ॒ पुरा॑णा ये च॒ नूत॑नाः ।
अदा॑दिदं॒ यमो॑ऽवसानं॑ पृथि॒व्या अक्र॑न्निमं॒ पितरो॑ लोक॒मस्मै॑ ।
अग्ने॑र्भस्मा॒स्यग्नेः॑ पु॒रीष॑मसि॒ संज्ञा॑नमसि॒ काम॑धरणं॒ मयि॑ ते
काम॑धरणं॒ भूयात् । सं॒ या वः॑ प्रि॒यास्त॒नुवः॑ सं॒ प्रिया॑ हृद॒यानि॑ वः ।

आत्मा॑ वो अस्तु॒ - [] 14

4.2.4.1 - Padam

अपे॑ति । इ॒त । वी॒ति । इ॒त । वी॒ति । च॑ । सर्प॒त । अतः॑ । ये । अत्र॑ ।
स्थ॑ । पुरा॑णाः । ये । च॑ । नूत॑नाः । अदा॑त् । इ॒दम् । यमः॑ ।
अव॑सानमि॒त्यव॑ - सानम् । पृथि॒व्याः । अक्र॑न् । इ॒मम् । पि॒तरः॑ ।
लो॒कम् । अ॒स्मै । अग्नेः॑ । भस्म॑ । अ॒सि । अग्नेः॑ । पु॒रीष॑म् ।
अ॒सि । सं॒ज्ञान॑मिति॒ सं - ज्ञान॑म् । अ॒सि । काम॑धरणमिति॒
काम॑ - धरणम् । मयि॑ । ते । काम॑धरणमिति॒ काम॑ - धरणम् ।

भू॒यात् । समि॑ति । याः । वः । प्रि॒याः । त॒नुवः॑ । समि॑ति । प्रि॒या ।
हृ॒दया॑नि । वः । आ॒त्मा । वः । अ॒स्तु । 14 (50)

4.2.4.2

संप्रि॑यः संप्रि॑यास्त॒नुवो॑ म॒म ।

अ॒यञ् सो अ॒ग्निर्यस्मि॑न्थ-सोम॑मिन्द्रः सु॒तं द॒धे ज॒ठरे॑ वाव॒शानः॑ ।
स॒हस्रि॑यं वा॒जम॑त्यं न स॒प्तिञ् स॒सवा॑न्थ -स॒न्थ -स्तू॑यसे
जा॒तवे॑दः । अ॒ग्ने दि॒वो अ॒र्णम॑च्छा जिगा॒स्यच्छा॑ दे॒वाञ् ऊ॒चिषे॑
धिष्णि॑या ये । याः प॒रस्ता॑द्-रो॒चने॑ सूर्य॑स्य याश्चा व॒स्ता-दु॒पति॑ष्ठन्त
आ॒पः । अ॒ग्ने यत् ते दि॒वि वर्चः॑ पृथि॒व्यां यदो॑षधीष्व - [] 15

4.2.4.2 - Padam

संप्रि॑य इति सं-प्रि॒यः । संप्रि॑या इति सं - प्रि॒याः । त॒नुवः॑ । म॒म ।
अ॒यम् । सः । अ॒ग्निः । यस्मि॑न् । सोम॑म् । इन्द्रः । सु॒तम् । द॒धे ।
ज॒ठरे॑ । वा॒वशा॑नः । स॒हस्रि॑यम् । वा॒जम् । अ॒त्यम् । न । स॒प्तिम् ।
स॒सवा॑निति स - स॒वान् । स॒न् । स्तू॑यसे । जा॒तवे॑द इति
जा॒त - वे॑दः । अ॒ग्ने । दि॒वः । अ॒र्णम् । अ॒च्छ । जिगा॑सि । अ॒च्छ ।

देवान् । ऊचिषे । धिष्णि॑याः । ये । याः । परस्तात् । रोचने ।
सूर्य॑स्य । याः । च । अवस्तात् । उपतिष्ठन्त॑ इत्युप - तिष्ठन्ते ।
आपः । अग्ने॑ । यत् । ते । दिवि । वर्चः । पृथिव्याम् । यत् ।
ओषधीषु । 15 (50)

4.2.4.3

-ऽप्सु वा यजत्र । येनान्तरिक्ष-मुर्वा॑ततन्थ त्वेषः स भानुरर्णवो
नृचक्षाः । पुरीष्यासो॑ अग्नयः प्रावणेभिः सजोषसः ।
जुषन्तां॑ हव्यमाहु॑तमनमीवा इषो महीः । इडामग्ने पुरुदं
सं॑ सनिं गोः शश्वत्तमं॑ हवमानाय साध । स्यान्नः॑ सूनुस्तनयो
विजावाग्ने सा ते सुमति॑र्भूत्वस्मे । अयं ते योनिर्ः ऋत्वियो यतो॑
जातो अरोचथाः । तं जान - [] 16

4.2.4.3 - Padam

अप्स्वि॑त्यप् - सु । वा । यजत्र । येन । अन्तरिक्षम् । उरु ।
आततन्थेत्या॑ - ततन्थ । त्वेषः । सः । भानुः । अर्णवः ।
नृचक्षा इति नृ - चक्षाः । पुरीष्यासः । अग्नयः ।

प्राव॑णो॒भिरि॑ति॒ प्र - वने॑भिः । स॒जोष॑स इति॒ स - जोष॑सः ।
जु॒षन्ता॑म् । ह॒व्यम् । आहु॑त॒मित्या - हु॒तम् । अन॑मी॒वाः । इषः॑ ।
म॒हीः । इडा॑म् । अ॒ग्ने । पु॒रुद॑स्स॒मिति॑ पु॒रु - द॑स्सम् । स॒निम् ।
गोः । श॒श्वत्त॑ममि॒ति श॑श्वत् - त॒मम् । ह॒वमा॑नाय । सा॒ध । स्यात् ।
नः । सू॒नुः । त॒नयः॑ । वि॒जावे॑ति॒ वि - जा॒वा । अ॒ग्ने । सा । ते ।
सु॒मति॑रिति॒ सु-म॑तिः । भू॒तु । अ॒स्मे इति॑ । अ॒यम् । ते । यो॒निः ।
ऋ॒त्वियः॑ । य॒तः । जा॒तः । अ॒रोच॑थाः । तम् । जा॒नन् । 16 (50)

4.2.4.4

न्न॒ग्ना आ॑ रो॒हाथा॑ नो॒ वर्ध॑या॒ रयि॑म् । चि॒दसि॑ तया॒ दे॒वत॑याऽङ्गि॒रस्वद्-
ध्रु॒वा सी॑द॒ परि॒चि॒दसि॑ तया॒ दे॒वत॑याऽङ्गि॒रस्वद् ध्रु॒वा सी॑द॒ लो॒कं
पृ॒ण छि॒द्रं पृ॒णाथो॑ सी॒द शि॒वा त्वं । इ॒न्द्रा॒ग्नी त्वा बृ॒हस्प॑ति॒रस्मिन्
यो॒नाव॑सी॒षद॑न् । ता॒ अस्य॑ सू॒ददो॑ह॒सः सोम॑श्च॒ श्री॑णन्ति॒ पृ॒श्नयः॑ ।
जन्म॑न् दे॒वानां॑ वि॒शस्त्रि॑ष्वा॒ रोच॑ने॒ दिवः॑ । 17

4.2.4.4 - Padam

अग्ने॑ । ए॒ति॑ । रो॒ह॑ । अथ॑ । नः॑ । वर्ध॑य । रयि॑म् । चि॒त् । अ॒सि॑ ।
तया॑ । दे॒वत॑या । अ॒ङ्गि॒र॒स्वत्॑ । ध्रु॒वा । सी॒द॑ । परि॒चि॒दि॒ति॑
परि॑ - चि॒त् । अ॒सि॑ । तया॑ । दे॒वत॑या । अ॒ङ्गि॒र॒स्वत्॑ । ध्रु॒वा । सी॒द॑ ।
लो॒कम् । पृ॒ण॑ । छि॒द्रम् । पृ॒ण॑ । अथो॑ इति॑ । सी॒द॑ । शि॒वा । त्वम् ।
इन्द्रा॑ग्नी इतीन्द्र॑ - अ॒ग्नी॑ । त्वा॑ । बृ॒ह॒स्प॒तिः॑ । अ॒स्मिन् । यो॒नौ॑ ।
अ॒सी॒ष॒द॒न् । ताः॑ । अ॒स्य॑ । सू॒द॒दो॒ह॒स॑ इति॑ सू॒द॑ - दो॒ह॒सः॑ ।
सो॒मम् । श्री॑णन्ति॑ । पृ॒श्न॒यः॑ । जन्म॑न् । दे॒वाना॑म् । वि॒शः॑ । त्रि॒षु ।
ए॒ति॑ । रो॒च॒ने॑ । दि॒वः॑ । 17 (48)

(अ॒स्त्वो - ष॑धीषु - जा॒न - त्र॒ष्टा॑च॒त्वारि॑ञ्श॒च्च) (A4)

4.2.5.1

स॒मि॒तञ् सङ्क॑ल्पे॒थाञ् संप्रि॑यौ रो॒चि॒ष्णू॑ सु॒म॒न॒स्य॑मा॒नौ॑ ।
इ॒ष॒मूर्ज॑म॒भि स॒व॒सानौ॑ सं वा॑ म॒नाञ् सि॒ सं व्र॑ता॒ समु॑ चि॒त्तान्या॑ऽकरं॑ ।
अग्ने॑ पुरी॒ष्या॑धि॒पा भ॒वा त्वं॑ नः॑ । इ॒ष॒मूर्जं॑ य॒ज॒मा॒नाय॑ धेहि॑ ।
पुरी॑ष्य॒स्त्वम॑ग्ने॒ रयि॑मान् पु॒ष्टि॒माञ् अ॒सि॑ ।

शि॒वाः कृ॒त्वा दि॒शः सर्वाः॑ स्वां॑ यो॒निमि॑हाऽसदः ।

भ॒वतं॑ नः॒ सम॑नसौ॒ समो॑कसा - [] 18

4.2.5.1 - Padam

समि॑ति । इ॒तम् । समि॑ति । क॒ल्पे॒थाम् । संप्रि॑या॒विति॑ सं - प्रि॒यौ ।

रोचि॑ष्णू इति । सु॒मन॑स्य॒माना॑विति॒ सु - मन॑स्य॒मानौ॑ । इ॒षम् ।

ऊ॒र्जम् । अ॒भीति॑ । सँव॑साना॒विति॑ सं - वसा॑नौ । समि॑ति । वा॒म् ।

मना॑सि । समि॑ति । व्र॒ता । समि॑ति । उ । चि॒त्तानि॑ । एति॑ ।

अ॒कर॑म् । अ॒ग्ने॑ । पु॒रीष्य॑ । अ॒धिपा॑ इत्य॒धि - पाः॑ । भ॒व । त्वम् ।

नः॑ । इ॒षम् । ऊ॒र्जम् । य॒ज॒मा॒नाय॑ । धे॒हि । पु॒रीष्यः॑ । त्वम् । अ॒ग्ने ।

र॒यि॒मा॒नि॒ति॑ र॒यि - मा॒न् । पु॒ष्टि॒मा॒नि॒ति॑ पु॒ष्टि-मा॒न् । अ॒सि । शि॒वाः ।

कृ॒त्वा । दि॒शः॑ । सर्वाः॑ । स्वा॒म् । यो॒निम् । इ॒ह । एति॑ । अ॒सदः॑ ।

भ॒वत॑म् । नः॑ । सम॑नसा॒विति॑ स - मन॑सौ ।

समो॑कसा॒विति॑ सं - ओ॒कसौ॑ । 18 (50)

4.2.5.2

-वरेपसौ॑ । मा य॒ज्ञं॑ हि॒सिष्टं॑ मा य॒ज्ञपतिं॑ जा॒तवे॒दसौ॑ शि॒वौ
भ॒वत॑म॒द्य नः॑ । मा॒ते॒व पु॒त्रं पृ॒थि॒वी पु॒री॒ष्यम॒ग्निं॑ स्वे॒ यो॒ना॒वभा॒रु॒खा ।
तां॑ वि॒श्वैर्दे॒वैर्ऋ॒तुभिः॑ सँ॒वि॒दानः॑ प्र॒जाप॑तिर्वि॒श्वक॑र्मा वि॒मुञ्च॑तु ।
य॒दस्य॑ पा॒रे र॒जसः॑ शु॒क्रं ज्यो॑तिरजा॒यत॑ । तं नः॑ पर्ष॒दति॑ द्विषो॒ऽग्ने॑
वैश्वान॑र स्वाहा॑ । नमः॑ सु॒ ते निर्ऋ॑ते वि॒श्वरू॑पे - [] 19

4.2.5.2 - Padam

अ॒रे॒पसौ॑ । मा । य॒ज्ञम् । हि॒सिष्टम्॑ । मा । य॒ज्ञप॑तिमि॒ति
य॒ज्ञ - प॑तिम् । जा॒तवे॒दसा॑वि॒ति जा॒त - वे॒दसौ॑ । शि॒वौ । भ॒वत॑म् ।
अ॒द्य । नः॑ । मा॒ता । इ॒व । पु॒त्रम् । पृ॒थि॒वी । पु॒री॒ष्यम्॑ । अ॒ग्निम् ।
स्वे॑ । यो॒नौ॑ । अ॒भाः । उ॒खा । ता॑म् । वि॒श्वैः॑ । दे॒वैः ।
ऋ॒तुभि॑रि॒त्यु॒तु - भिः॑ । सँ॒वि॒दान॑ इति सं - वि॒दानः॑ ।
प्र॒जाप॑तिरि॒ति प्र॒जा - प॑तिः । वि॒श्वक॑र्मेति वि॒श्व - क॑र्मा । वी॒ति ।
मु॒ञ्च॑तु । यत् । अ॒स्य॑ । पा॒रे । र॒जसः॑ । शु॒क्रम् । ज्यो॑तिः ।
अजा॑यत । तम् । नः॑ । पर्ष॒त् । अती॑ति । द्विषः॑ । अ॒ग्ने॑ । वैश्वान॑र ।

स्वाहा॑ । नमः॑ । स्विति॑ । ते । निर्ऋ॑त इति॑ निः - ऋ॒ते ।

विश्व॑रूप इति॑ विश्व - रूपे॑ । 19 (50)

4.2.5.3

ऽय॑स्मयं॑ वि॑ चृ॒ता ब॒न्धमे॑तं । य॒मेन॑ त्वं य॒म्या सं॑ वि॒दानो॑त्त॒मं ना॒कमधि॑
रो॒हये॑मं । यत्ते॑ दे॒वी निर्ऋ॑तिरा॒ब॒न्ध दाम॑ ग्री॒वास्व॑ वि॒च॒र्त्यम् ।

इ॒दं ते॑ तद् वि॒ष्यां॑ या॒युषो॑ न म॒ध्याद॑था जी॒वः पि॒तुम॑द्धि प्र॒मुक्तः॑ ।

यस्या॑स्ते अ॒स्याः क्रू॒र आ॒सञ्जु॑हो॒म्येषां॑ ब॒न्धाना॑मव॒स॒र्जना॑य ।

भूमि॑रिति॑ त्वा जना॑ वि॒दुर्निर्ऋ॑ति - [] 20

4.2.5.3 - Padam

अ॒य॒स्मय॑म् । वी॒ति । चृ॒त । ब॒न्धम् । ए॒तम् । य॒मेन॑ । त्वम् । य॒म्या ।

सं॑ वि॒दाने॑ति सं - वि॒दाना॑ । उ॒त्त॒ममि॑त्युत् - त॒मम् । ना॒कम् ।

अ॒धी॒ति । रो॒हय॑ । इ॒मम् । यत् । ते । दे॒वी । निर्ऋ॑तिरिति॑

निः - ऋ॒तिः । आ॒ब॒न्धे॒त्या - ब॒न्ध । दाम॑ । ग्री॒वा॒सु ।

अ॒वि॒च॒र्त्यमि॑त्यवि - च॒र्त्यम् । इ॒दम् । ते । तत् । वी॒ति । स्या॑मि ।

आ॒युषः॑ । न । म॒ध्यात् । अथ॑ । जी॒वः । पि॒तुम् । अ॒द्धि ।

प्रमु॒क्त॑ इति॒ प्र - मु॒क्तः॑ । यस्याः॑ । ते । अस्याः॑ । क्रू॒रे । आसन् ।
जु॒होमि॑ । ए॒षाम् । ब॒न्धाना॑म् । अ॒वस॑र्जनायेत्यव-स॑र्जनाय । भूमिः॑ ।
इति॑ । त्वा । जनाः॑ । वि॒दुः । निर्ऋ॑तिरिति॒ निः - ऋ॒तिः । 20 (50)

4.2.5.4

रिति॑ त्वा ऽहं॑ परि॒ वेद॑ विश्व॒तः । असु॑न् वन्त॒म यज॑मानमिच्छ
स्तेन॑स्येत्यान्-तस्कर॑स्यान् वे॒षि । अन्य॑ मस्म-दिच्छ॒ सा त इत्या॑
नमो॑ देवि॒ निर्ऋ॑ते तुभ्यमस्तु । दे॒वीम॒हं निर्ऋ॑तिं वन्द॒मानः॑ पि॒तेव॑
पु॒त्रं द॑सये॒ वचो॑भिः । विश्व॑स्य॒ या जा॑यमानस्य॒ वेद॑ शिरः॒ शिरः॑
प्रति॑ सू॒री वि॑ चष्टे । नि॒वेश॑नः॒ सङ्ग॑मनो॒ वसू॑नां विश्वा॑
रूपा॑भि चष्टे - [] 21

4.2.5.4 - Padam

इति॑ । त्वा । अ॒हम् । परि॑ति । वे॒द । विश्व॑तः । असु॑न्वन्तम् ।
अय॑जमानम् । इच्छ॒ । स्तेन॑स्य । इत्या॑म् । तस्कर॑स्य । अन्वि॑ति ।
ए॒षि । अन्य॑म् । अ॒स्मत् । इच्छ॒ । सा । ते । इत्या॑ । नमः॑ । दे॒वि ।
निर्ऋ॑त इति॒ निः - ऋ॒ते । तुभ्य॑म् । अस्तु॑ । दे॒वीम् । अ॒हम् ।

निर्ऋ॑तिमि॒ति निः- ऋ॒तिम् । व॒न्द॒मा॒नः॑ । पि॒ता । इ॒व । पु॒त्रम् ।
द॒स॒ये । व॒चो॑भि॒रिति॑ व॒चः - भिः॑ । वि॒श्व॑स्य । या । जा॒य॒मा॒नस्य॑ ।
वे॒द । शि॒रः॑ शि॒र इति॑ शि॒रः-शि॒रः । प्र॒तीति॑ । सू॒री । वी॒ति । च॒ष्टे ।
नि॒वेश॑न इति॑ नि - वे॒श॒नः । स॒ङ्ग॑म॒न इति॑ सं - ग॒म॒नः । व॒सू॒नाम् ।
वि॒श्वा॑ । रू॒पा । अ॒भीति॑ । च॒ष्टे । 21 (50)

4.2.5.5

श॒ची॑भिः । दे॒व इ॒व स॒विता॑ स॒त्यध॑र्मेन्द्रो॒ न त॑स्थौ॒ सम॑रे प॒थीनां॑ ।
सं व॑र॒त्रा द॑धात॒न नि॑राहा॒वान् कृ॑णोत॒न । सि॒ञ्चाम॑हा॒ अव॑टमु॒द्रिणं॑
व॒यं वि॑श्वाऽहाऽद॒स्तम॑क्षि॒तं । निष्कृ॑ताहा-व॒मव॑ट् सु॒वर॑त्र् सु॒षेच॑नं ।
उ॒द्रिण॑ सि॒ञ्चे॑ अ॒क्षि॒तं । सी॒रा यु॑ञ्जन्ति॒ क॒वयो॑ यु॒गा वि॑ त॒न्वते॑
पृ॒थक् । धी॒रा दे॒वेषु॑ सु॒म्नया॑ । यु॒नक्त॑ सी॒रा वि॑ यु॒गा त॑नोत॒ कृ॒ते यो॒नौ

वप॑तेह - [] 22

4.2.5.5 - Padam

श॒ची॑भि॒रिति॑ श॒ची - भिः॑ । दे॒वः । इ॒व । स॒विता॑ । स॒त्यध॑र्मेति॒
स॒त्य - ध॒र्मा । इन्द्रः॑ । न । त॒स्थौ । स॒मर॑ इति॑ सं - अ॒रे ।

प॒थी॒नाम् । स॒मि॒ति॑ । व॒र॒त्राः॑ । द॒धा॒त॒न॑ । नि॒रि॒ति॑ ।
 आ॒हा॒वा॒नि॒त्या॑ - हा॒वा॒न् । कृ॒णो॒त॒न॑ । सि॒ञ्चाम॑है । अ॒व॒ट॒म् ।
 उ॒द्रि॒ण॒म् । व॒य॒म् । वि॒श्वा॑ । अ॒हा॑ । अ॒द॒स्त॒म् । अ॒क्षि॒त॒म् ।
 नि॒ष्कृ॑ताहावमिति नि॒ष्कृ॑त - आ॒हा॒व॒म् । अ॒व॒ट॒म् । सु॒व॒र॒त्र॒मि॒ति॑
 सु - व॒र॒त्र॒म् । सु॒षे॒च॒न॒मि॒ति॑ सु - से॒च॒न॒म् । उ॒द्रि॒ण॒म् । सि॒ञ्चे॑ ।
 अ॒क्षि॒त॒म् । सी॒रा॑ । यु॒ञ्ज॒न्ति॑ । क॒व॒यः॑ । यु॒गा॑ । वी॒ति॑ । त॒न्व॒ते॑ ।
 पृ॒थक् । धी॒राः॑ । दे॒वेषु॑ । सु॒म्न॒या॑ । यु॒नक्त॑ । सी॒रा॑ । वी॒ति॑ । यु॒गा॑ ।
 त॒नो॒त॑ । कृ॒ते॑ । यो॒नौ॑ । व॒प॒त॑ । इ॒ह॑ । 22 (50)

4.2.5.6

बी॒जं॑ । गि॒रा॑ च श्रु॒ष्टिः॑ स॒भ॒रा॑ अ॒स॒न्नो॑ ने॒दी॒य॑ इ॒थ् सृ॒ण्या॑ प॒क्व॒मा
 ऽय॑त् । ला॒ङ्ग॒लं॑ प॒वी॒र॒व॑ सु॒शे॒व॑ सु॒म॒ति॒त्स॒रु॑ ।
 उ॒दित् कृ॑षति गाम॒विं॑ प्र॒फ॒र्व्यं॑ च पी॒व॒रीं॑ । प्र॒स्था॒वद्-र॒थ॒वा॒ह॒नं॑ । शु॒नं॑
 नः॑ फा॒ला॒ वि॑ तु॒द॒न्तु॑ भूमि॑ शु॒नं॑ की॒ना॒शा॑ अ॒भि॑ य॒न्तु॑ वा॒हान् ।
 शु॒नं॑ प॒र्ज॒न्यो॑ म॒धु॒ना॑ प॒यो॒भिः॑ शु॒ना॑सी॒रा॑ शु॒न॒म॒स्मा॒सु॑ ध॒त्तं॑ ।

कामं॑ कामदु॒घे धु॒क्ष्व मि॒त्राय॑ () वरु॒णाय॑ च ।

इन्द्रा॑या॒ग्नये॑ पू॒ष्ण ओष॑धी॒भ्यः प्र॒जाभ्यः॑ ।

घृ॒तेन॑ सी॒ता मधु॑ना॒ सम॑क्ता॒ विश्वै॑र्दे॒वैरनु॑मता॒ मरु॑द्भिः ।

ऊ॒र्जस्व॑ती॒ पय॑सा॒ पिन्व॑माना॒ऽस्मान्त् सी॒ते पय॑सा॒ऽभ्या-व॑वृ॒थ्स्व । 23

4.2.5.6 - Padam

बी॒जम् । गि॒रा । च । श्रु॒ष्टिः । स॒भरा॑ इति॒ स-भ॑राः । अ॒सत् । नः ।

ने॒दीयः॑ । इत् । सृ॒ण्या॑ । प॒क्वम् । ए॒ति । अ॒यत् । लाङ्ग॑लम् ।

प॒वीर॑वम् । सु॒शेव॑मि॒ति सु - शे॑वम् । सु॒मति॑त्सर्वि॒ति

सु॒मति॑ - थ्स॒रु । उ॒दि॒ति । इत् । कृ॒षति॑ । गा॒म् । अ॒विम् ।

प्र॒फ॒र्व्यमि॑ति॒ प्र-फ॑र्व्यम् । च । पी॒वरी॑म् । प्र॒स्था॒वदि॑ति॒ प्रस्थ॑-वत् ।

रथ॑वा॒हन॑मि॒ति रथ॑ - वा॒हन॑म् । शु॒नम् । नः । फा॒लाः । वी॒ति ।

तु॒दन्तु॑ । भू॒मिम् । शु॒नम् । की॒नाशाः॑ । अ॒भी॒ति । य॒न्तु । वा॒हान् ।

शु॒नम् । प॒र्जन्यः॑ । मधु॑ना । पयो॑भि॒रिति॑ पयः - भिः । शु॒ना॑सी॒रा ।

शु॒नम् । अ॒स्मासु॑ । ध॒त्तम् । काम॑म् । का॒मदु॒घ इति॑ काम - दु॒घे ।

धु॒क्ष्व॑ । मि॒त्राय॑ () । वरु॑णाय । च । इन्द्रा॑य । अ॒ग्नये॑ ॥ पू॒ष्णे ।
 ओष॑धीभ्य इत्योष॑धि - भ्यः । प्र॒जाभ्य॑ इति प्र - जाभ्यः । घृ॒तेन॑ ।
 सी॒ता ॥ मधु॑ना । सम॒क्तेति॑ सम् - अ॒क्ता । विश्वैः॑ ॥ दे॒वैः ।
 अनु॑मतेत्यनु॑-मता । मरु॑द्भिरिति मरु॑त् -भिः । ऊ॒र्जस्व॑ती । पय॑सा ।
 पि॒न्वमा॑ना । अ॒स्मान् । सी॒ते । पय॑सा ।
 अ॒भ्याव॑वृथस्वेत्यभि - आव॑वृथस्व । 23 (72)

(समो॑कसौ - विश्व॑रूपे - वि॒दुर्नि॑रु॒त्ति - रभि॑ चष्ट - इह -
 मि॒त्राय॑ - द्वाविं॑शतिश्च) (A5)

4.2.6.1

या जा॑ता ओष॑धयो दे॒वेभ्य॑स्त्रियु॒गं पु॒रा ।
 म॒न्दामि॑ ब॒भ्रूणा॑मह॒ं श॒तं धा॑मानि स॒प्त च॑ ।
 श॒तं वो॑ अ॒ंब धा॑मानि स॒हस्र॑मु॒त वो॑ रु॒हः ।
 अथा॑ श॒तक्र॑त्वो यू॒यमि॑मं मे अ॒गदं॑ कृत ।
 पु॒ष्पाव॑तीः प्र॒सूव॑तीः फ॒लिनी॑रफ॒ला उ॒त ।
 अश्वा॑ इव स॒जित्वा॑री-वी॒रुधः॑ पा॒रयि॑ष्णावः ।

ओष॑धीरि॑ति॒ मा॒तर-स्त॑द्वौ॒ दे॒वी-रु॑प॒ ब्रु॑वे ।

रपा॑ँ॒सि॒ वि॒घ्न॑तीरि॒ति॒ रप॑ - [] 24

4.2.6.1 - Padam

याः । जा॒ताः । ओष॑धयः । दे॒वेभ्यः॑ । त्रि॒यु॒गमि॑ति॒ त्रि-यु॒गम् । पु॒रा ।
म॒न्दा॑मि । ब॒भ्रू॑णा॒म् ॥ अ॒हम् । श॒तम् । धा॒मा॒नि । स॒प्त । च ।
श॒तम् । वः । अ॒ंब । धा॒मा॒नि ॥ स॒हस्र॑म् । उ॒त । वः । रु॒हः । अथ॑ ।
श॒त॒क्र॒त्व इति॑ श॒त - क्र॒त्वः । यू॒यम् । इ॒मम् । मे । अ॒गद॑म् । कृ॒त ।
पु॒ष्पा॒वती॑रि॒ति॒ पु॒ष्प-व॑तीः । प्र॒सू॒वती॑रि॒ति॒ प्र - सू॒वतीः॑ । फ॒लि॒नीः ।
अ॒फ॒लाः । उ॒त । अ॒श्वाः ॥ इ॒व । स॒जि॒त्व॒रीरि॑ति॒ स - जि॒त्व॒रीः ।
वी॒रु॒धः । पा॒र॒यि॒ष्णा॒वः । ओष॑धीः । इति॑ । मा॒तरः॑ । तत् । वः ।
दे॒वीः । उ॒पे॒ति॑ । ब्रु॒वे । रपा॑ँ॒सि॒ वि॒घ्न॑तीरि॒ति॒ वि - घ्न॑तीः । इ॒त ।
रपः । 24 (50)

4.2.6.2

-श्चा॒त॒य॒मा॒नाः । अ॒श्व॑त्थे॒ वो॒ नि॒षद॑नं॒ पर्णे॑ वो॒ वस॑तिः कृ॒ता ।
गो॒भा॒ज इ॒त् किला॑सथ॒ यथ् स॒नव॑थ॒ पू॒रुषं॑ ।

यदहं वाजय-न्निमा ओषधीर्हस्त आदधे ।
 आत्मा यक्ष्मस्य नश्यति पुरा जीवगृभो यथा ।
 यदोषधयः संगच्छन्ते राजानः समिता विव ।
 विप्रः स उच्यते भिषग्रक्षोहा ऽमीव चातनः । निष्कृति-र्नामवो
 माताऽथा यूयञ्स्थ संकृतीः । सराः पत्रिणीः - [] 25

4.2.6.2 - Padam

चातयमानाः । अश्वत्थे । वः । निषदनमिति नि - सदनम् । पर्णे ।
 वः । वसतिः । कृता । गोभाज इति गो - भाजः । इत् । किल ।
 असथ । यत् । सनवथ । पूरुषम् । यत् । अहम् । वाजयन् । इमाः ।
 ओषधीः । हस्तैः । आदध इत्या - दधे । आत्मा । यक्ष्मस्य ।
 नश्यति । पुरा । जीवगृभ इति जीव - गृभः । यथा । यत् ।
 ओषधयः । संगच्छन्त इति सं - गच्छन्ते । राजानः । समिताविति
 सं - इतौ । इव । विप्रः । सः । उच्यते । भिषक् ।
 रक्षोहेति रक्षः - हा । अमीवचातन इत्यमीव - चातनः ।

निष्कृतिरिति निः-कृतिः । नाम । वः । माता । अथ । यूयम् । स्थ ।
संकृतीरिति सं - कृतीः । सराः । पतत्रिणीः । 25 (50)

4.2.6.3

स्थन यदा मयति निष्कृत ।
अन्या वो अन्यामव-त्वन्याऽन्यस्या उपावत ।
ताः सर्वा ओषधयः सँविदाना इदं मे प्रावता वचः ।
उच्छुष्मा ओषधीनां गावो गोष्ठा दिवेरते ।
धनं सनिष्यन्ती नामात्मानं तव पूरुष ।
अति विश्वाः परिष्ठास्तेन इव व्रजमक्रमुः ।
ओषधयः प्राचुच्यवु र्यत् किं च तनुवाँ रपः । या - [] 26

4.2.6.3 - Padam

स्थन । यत् । आमयति । निरिति । कृत । अन्या । वः । अन्याम् ।
अवतु । अन्या । अन्यस्याः । उपेति । अवत । ताः । सर्वाः ।
ओषधयः । सँविदाना इति सं - विदानाः । इदम् । मे । प्रेति ।
अवत । वचः । उदिति । शुष्माः । ओषधीनां । गावः ।

गो॑ष्ठादि॑ति॒ गो - स्था॑त् । इ॒व । ई॒रते॑ । ध॒नम् । स॒नि॒ष्यन्ती॑नाम् ।
 आ॒त्मान॑म् । तव॑ । पू॒रुष॑ । अ॒तीति॑ । वि॒श्वाः॑ । परि॒ष्ठा इति॑
 परि - स्थाः । स्ते॒नः । इ॒व । व्र॒जम् । अ॒क्रमुः॑ । ओष॑धयः । प्रेति॑ ।
 आ॒चु॒च्यवुः॑ । यत् । कि॒म् । च । त॒नुवाम्॑ । रपः॑ । याः । 26 (50)

4.2.6.4

-स्त॑ आ॒तस्थु॑-रा॒त्मानं॑ या॒ आवि॑विशुः परुः॑ परुः॑ ।
 तास्ते॑ यक्ष॑मं वि॒बाध॑न्ता मु॒ग्रो म॑द्ध्य म॒शीरिव॑ ।
 साकं॑ यक्ष॑म प्र प॒त श्ये॑नेन कि॒किदी॑विना॑ ।
 साकं॑ वा॒तस्य॑-धा॒ज्या साकं॑ नश्य॑ निहा॒कया॑ ।
 अ॒श्वाव॑तीꣳ सो॒मव॑ती मूर्ज॑यन्ती मु॒दोज॑सं ।
 आ वि॒थिस॑ सर्वा ओष॑धीरस्मा अ॒रिष्ट॑तातये ।
 याः फ॒लिनी॑र्या अ॒फला॑ अ॒पुष्पा॑ याश्च पु॒ष्पिणीः॑ ।
 बृ॒हस्प॑ति प्रसू॒ता स्तानो॑ मुञ्च॑न्त्वꣳ ह॒सः । या - [] 27

4.2.6.4 - Padam

ते । आ॒त॒स्थु॒रि॒त्या॑ - त॒स्थुः॑ । आ॒त्मा॒न॒म् । याः ।
आ॒वि॒वि॒शु॒रि॒त्या॑ - वि॒वि॒शुः॑ । प॒रुः॑ प॒रु॒रि॒ति॑ प॒रुः॑ - प॒रुः॑ । ताः । ते ।
य॒क्ष॒म॒म् । वी॒ति॑ । बा॒ध॒न्ता॒म् । उ॒ग्रः॑ ।
म॒द्ध्य॒म॒शी॒रि॒ति॑ म॒द्ध्य॒म - शीः॑ । इ॒व । सा॒क॒म् । य॒क्ष॒म॒ । प्रे॒ति॑ ।
प॒त॒ । श्ये॒ने॒न॑ । कि॒कि॒दी॒वि॒ना॑ । सा॒क॒म् । वा॒त॒स्य॑ । ध्रा॒ज्या॑ । सा॒क॒म् ।
न॒श्य॑ । नि॒हा॒क॒ये॒ति॑ नि - हा॒क॒या॑ । अ॒श्वा॒व॒ती॒मि॒त्य॑श्च - व॒ती॒म् ।
सो॒म॒व॒ती॒मि॒ति॑ सो॒म - व॒ती॒म् । ऊ॒र्ज॒य॒न्ती॒म् ।
उ॒दो॒ज॒स॒मि॒त्यु॒त् - ओ॒ज॒स॒म् । ए॒ति॑ । वि॒थि॒स॒ । सर्वाः॑ । ओ॒ष॒धीः॑ ।
अ॒स्मै॑ । अ॒रि॒ष्ट॒ता॒त॒य॑ इ॒त्य॒रि॒ष्ट - ता॒त॒ये॑ । याः । फ॒लि॒नीः॑ । याः ।
अ॒फ॒लाः॑ । अ॒पु॒ष्पाः॑ । याः । च॒ । पु॒ष्पि॒णीः॑ । बृ॒ह॒स्प॒ति॑प्र॒सू॒ता इति॑
बृ॒ह॒स्प॒ति॑ - प्र॒सू॒ताः॑ । ताः । नः॑ । मु॒ञ्च॒न्तु॑ । अ॒ह॒सः॑ ।
याः । 27 (50)

4.2.6.5

ओष॑धयः॒ सोम॑रा॒ज्ञीः॒ प्र॒वि॒ष्टाः॑ पृ॒थि॒वीम॑नु ।
तासां॑ त्वम॑स्यु॒त्त॒मा प्र॑णो जी॒वात॑-वे॒सुव॑ ।
अ॒व॒प॒त॒न्ती॑र॒वद॑न् दि॒व ओष॑दयः परि ।
यं जी॒व म॑श्न॒वा महै॑ न स रि॒ष्याति॑ पू॒रुषः॑ ।
याश्चे॑द मु॒प-शृ॑ण्वन्ति॒ याश्च॑ दू॒रं प॑रा॒गताः॑ ।
इ॒ह स॒ङ्गत्य॑ ताः सर्वा॑ अ॒स्मै सं द॑त्त भेष॒जं ।
मा वो॑ रिषत् ख॒निता॑ यस्मै॒ चाहं॑ ख॒नामि॑ वः () ।
द्वि॒प-च्च॑तु॒ष्प-द॒स्माक॑ꣳ सर्व॑-म॒स्त्वना॑तुरं ।
ओष॑धयः सं व॑दन्ते सोमे॒न सह॑ रा॒ज्ञा ॥
यस्मै॑ करोति॒ ब्राह्म॑णस्तꣳ राज॑न् पार॒याम॑सि । 28

4.2.6.5 - Padam

ओष॑धयः । सोम॑रा॒ज्ञीरि॒ति सोम॑ - रा॒ज्ञीः । प्र॒वि॒ष्टा इति॑ प्र-वि॒ष्टाः ।
पृ॒थि॒वीम् । अनु॑ । तासां॑ । त्वम् । अ॒सि । उ॒त्त॒मेत्यु॑त्- त॒मा । प्रेति॑ ।
नः । जी॒वात॑वे । सु॒व । अ॒व॒प॒त॒न्तीरि॑त्यव - प॒त॒न्तीः । अ॒वद॑न् ।

दिवः । ओष॑दयः । परि॑ । यम् । जी॒वम् । अ॒श्न॒वाम॑है । न । सः ।
रि॒ष्या॑ति । पू॒रुषः॑ । याः । च । इ॒दम् । उ॒पशृ॑ण्वन्तीत्युप - शृ॒ण्वन्ति॑ ।
याः । च । दू॒रम् । प॒रा॒गता॑ इति॒ परा॑ - ग॒ताः । इ॒ह । स॒ङ्ग॒त्येति॑
सं - ग॒त्य । ताः । सर्वाः॑ । अ॒स्मै । स॒मि॒ति । दत्त॑ । भेष॒जम् । मा ।
वः । रि॒षत् । ख॒निता॑ । य॒स्मै । च । अ॒हम् । ख॒नामि॑ । वः () ।
द्वि॒पदि॑ति द्वि - पत् । च॒तु॒ष्पदि॑ति च॒तुः-पत् । अ॒स्माक॑म् । सर्व॑म् ।
अ॒स्तु । अ॒ना॒तु॒रमि॑त्यना - तु॒रम् । ओष॑धयः । स॒मि॒ति । व॒दन्ते॑ ।
सो॒मेन॑ । स॒ह । राज्ञा॑ । य॒स्मै । क॒रोति॑ । ब्रा॒ह्म॒णः । तम् । राज॑न् ।
पा॒रया॑मसि । 28 (68) (रपः - प॒त॒त्रिणी॑ - र्या - अ॒ह॒सो याः -
ख॒नामि॑ वो - ऽष्टा॑दश च) (A6)

4.2.7.1

मा नो॑ हि॒सी॒ज्जनि॑ता यः पृथि॒व्या यो वा दि॒वः स॒त्य॒धर्मा॑ ज॒जान॑ ।
यश्चा॒पश्च॑न्द्रा बृ॒हती॑र्ज॒जान॑ क॒स्मै दे॒वाय॑ ह॒विषा॑ वि॒धेम॑ ।
अ॒भ्याव॑र्तस्व पृथि॒वि य॒ज्ञेन॑ प॒यसा॑ सह ।
वपां॑ ते अ॒ग्निरि॑षि॒तोऽव॑ सर्प॒तु । अ॒ग्ने यत् ते॑ शु॒क्रं यच्च॑न्द्रं यत्

पू॒तं॑ यद्-य॒ज्ञियं॑ । तद्-दे॒वेभ्यो॑ भ॒राम॑सि ।

इ॒षमूर्ज॑म॒हमित॑ आ - [] 29

4.2.7.1 - Padam

मा । नः । हि॒प्सीत् । ज॒निता॑ । यः । पृ॒थि॒व्याः । यः । वा । दि॒वम् ।

स॒त्यध॑र्मेति स॒त्य - ध॒र्मा । ज॒जान॑ । यः । च । अ॒पः । च॒न्द्राः ।

बृ॒हतीः॑ । ज॒जान॑ । क॒स्मै॑ । दे॒वाय॑ । ह॒विषा॑ । वि॒धेम॑ ।

अ॒भ्याव॑र्तस्वेत्य॒भि - आ॑वर्तस्व । पृ॒थि॒वि । य॒ज्ञेन॑ । प॒यसा॑ । स॒ह ।

व॒पाम् । ते । अ॒ग्निः । इ॒षितः॑ । अ॒वेति॑ । स॒र्पतु॑ । अ॒ग्ने॑ । यत् । ते ।

शु॒क्रम् । यत् । च॒न्द्रम् । यत् । पू॒तम् । यत् । य॒ज्ञियम्॑ । तत् ।

दे॒वेभ्यः॑ । भ॒राम॑सि । इ॒षम् । ऊ॒र्जम्॑ । अ॒हम् । इ॒तः ।

ए॒ति॑ । 29 (50)

4.2.7.2

द॒द ऋ॒तस्य॑ धाम्नो॑ अ॒मृत॑स्य यो॒नैः॑ ।

आ नो॑ गो॒षु वि॒शत्वौ॑ष॒धीषु॑ ज॒हामि॑ से॒दिम॑नि॒राम॑मी॒वां ।

अ॒ग्ने त॒व श्र॒वो व॒यो म॒हि भ्रा॑जन्त्य॒र्चयो॑ वि॒भाव॑सो ।

बृ॒हद्-॑भा॒नो॒ शव॑सा वाज॒मु॒क्थ्यं॑ दधा॒सि दा॒शु॒षे॑ कवे ।
 इ॒रज्य॑न्न॒ग्ने प्र॑थयस्व जन्तु॒भिर॑स्मे रा॒यो अ॑मर्त्य ।
 स द॒र्श॑तस्य वपु॒षो वि॑ राज॒सि पृ॑णक्षि॒ सान॑सि॒ रयि॑म् ।
 ऊ॒र्जा॑ नपा॒ज्जात॑वेदः सु॒श॒स्तिभि॑-म॒न्दस्व॑ - [] 30

4.2.7.2 - Padam

ददे॑ । ऋ॒तस्य॑ । धाम्नः॑ । अ॒मृत॑स्य । यो॒नैः॑ । ए॒ति॑ । नः॑ । गो॒षु॑ ।
 वि॒शतु॑ । ए॒ति॑ । ओष॑धीषु । जहा॑मि । से॒दिम् । अनि॑राम् । अमी॑वाम् ।
 अ॒ग्ने॑ । तव॑ । श्रवः॑ । वयः॑ । म॒हि॑ । भ्राज॑न्ति । अ॒र्चयः॑ । वि॒भाव॑सो
 इति॑ वि॒भा - व॑सो । बृ॒हद्भा॒नो इति॑ बृ॒हत् - भा॒नो॑ । शव॑सा ।
 वाज॑म् । उ॒क्थ्य॑म् । दधा॑सि । दा॒शु॒षे॑ । कवे॑ । इ॒रज्य॑न् । अ॒ग्ने॑ ।
 प्र॒थय॑स्व । जन्तु॒भिरि॑ति॒ जन्तु॑-भिः । अ॒स्मे इति॑ । रा॒यः॑ । अ॒मर्त्य॑ ।
 सः॑ । द॒र्श॑तस्य । वपु॒षः॑ । वी॒ति॑ । राज॒सि॑ । पृ॒णक्षि॑ । सान॑सिम् ।
 रयि॑म् । ऊ॒र्जः॑ । नपा॑त् । जा॒तवे॑द इति॒ जा॒त - वे॑दः ।
 सु॒श॒स्तिभि॑रिति॒ सु॒श॒स्ति॑ - भिः॑ । म॒न्दस्व॑ । 30 (50)

4.2.7.3

धी॒तिभिर्॑.हि॒तः । त्वे॑ इ॒षः सं॑ द॒धु-भूरि॑रेतस-श्चि॒त्रो तयो॑ वाम॒जा॒ताः ।
पा॒वक॑वर्चाः शु॒क्रव॑र्चा॒ अनू॑नवर्चा॒ उदि॑यर्षि॒ भानु॑ना ॥
पु॒त्रः पि॒तरा॑ वि॒चर॑न्नुपावस्यु॒भे पृ॑णक्षि॒ रोद॑सी ।
ऋ॒तावा॑नं॒ महि॑षं॒ विश्व॑चर्षणि॒मग्नि॑ सु॒म्नाय॑ दधिरे॒ पुरो॑ जनाः ॥
श्रु॒त्कर्ण॑ स॒प्रथ॑स्तमं॒ त्वा गि॒रा दै॒व्यं मा॑नुषा॒ युगा॑ । निष्क॑र्तारि-
मध्व॑रस्य॒ प्रचे॑तसं॒ क्षय॑न्त रा॒धसे॑ म॒हे । रा॒तिं भृ॑गूणा॒मुशि॑जं
कवि॑क्रतुं॒ पृण॑क्षि॒ सान॑सि - [] 31

4.2.7.3 - Padam

धी॒तिभि॑रिति॒ धी॒ति-भिः॑ । हि॒तः । त्वे॑ इति । इ॒षः । समि॑ति । द॒धुः ।
भूरि॑रेतस इति॒ भूरि॑ - रे॒तसः॑ । चि॒त्रोत॑य इति॒ चित्र॑ - ऊ॒तयः॑ ।
वाम॑जा॒ता इति॒ वाम॑ - जा॒ताः । पा॒वक॑वर्चा इति॒ पा॒वक॑ - वर्चाः ।
शु॒क्रव॑र्चा इति॒ शु॒क्र - वर्चाः॑ । अनू॑नवर्चा इत्यनू॒न - वर्चाः॑ ।
उदि॑ति । इ॒यर्षि॑ । भानु॑ना ॥ पु॒त्रः । पि॒तरा॑ । वि॒चर॑न्निति॒ वि - चर॑न् ।
उपे॑ति । अ॒वसि॑ । उ॒भे इति॑ । पृ॒णक्षि॑ । रोद॑सी इति ।

ऋ॒तावा॑न॒मित्यृ॑त - वा॒नम् । म॒हि॒षम् । वि॒श्व॑च॒र्ष॒णिमि॑ति
 वि॒श्व - च॒र्ष॒णिम् । अ॒ग्नि॑म् । सु॒म्नाय॑ । द॒धिरे॑ । पु॒रः । ज॒नाः ।
 श्रु॒त्कर्ण॑मि॒ति श्रु॒त्-कर्ण॑म् । स॒प्रथ॑स्त॒ममि॑ति स॒प्रथः-त॑मम् । त्वा ।
 गि॒रा । दै॒व्यम् । मा॒नुषा॑ । यु॒गा । नि॒ष्कर्ता॑रमि॒ति निः - क॑र्ता॒रम् ।
 अ॒ध्वर॑स्य । प्र॒चे॒तस॑मि॒ति प्र - चे॒तस॑म् । क्ष॒यन्त॑म् । रा॒धसे॑ । म॒हे ।
 रा॒तिम् । भृ॒गूणा॑म् । उ॒शि॒जम् । क॒विक्र॑तुमि॒ति क॒वि - क्र॑तुम् ।
 पृ॒णक्षि॑ । सा॒नसि॑म् । 31 (50)

4.2.7.4

रा॒यिं । चि॒तः स्थ॑ परि॒चित ऊ॒र्ध्वचि॑तः श्रय॒ध्वं तया॑
 दे॒वत॑याऽङ्गि॒रस्वद्-ध्रु॑वाः सी॒दत॑ । आ॒प्याय॑स्व॒ समे॑तु ते वि॒श्वतः॑
 सोम॑ वृ॒ष्णियं॑ । भ॒वा वा॑ज॒स्य स॑ङ्ग॒थे । सं ते॑ प॒याऽसि॑ समु॒ यन्तु॑
 वा॒जाः सं वृ॑ष्णिया-न्य॒भिमा॑तिषाहः । आ॒प्याय॑मानो अ॒मृता॑य सोम
 दि॒वि श्र॑वाऽस्यु॒त्तमा॑नि धिष्व । 32

4.2.7.4 - Padam

रयि॑म् । चि॑तः । स्थ॑ । परि॑चित इति परि - चि॑तः । ऊ॒र्ध्व॒चि॒त
इ॒त्यू॒र्ध्व - चि॑तः । श्र॒य॒ध्व॒म् । तया॑ । दे॒व॒तया॑ । अ॒ङ्गि॒र॒स्वत् ।
ध्रु॒वाः । सी॒द॒त । ए॒ति । प्या॒य॒स्व । समि॑ति । ए॒तु । ते । वि॒श्व॒तः ।
सो॒म । वृ॒ष्णि॑यम् । भव॑ । वा॒ज॒स्य । स॒ङ्ग॒थ इति सं-ग॒थे । समि॑ति ।
ते । पया॑ँसि । समि॑ति । उ॒ । य॒न्तु । वा॒जाः । समि॑ति । वृ॒ष्णि॑यानि ।
अ॒भि॒मा॒ति॒षा॒ह इत्य॑भि॒मा॒ति - सा॒हः । आ॒प्या॒य॒मा॒न
इ॒त्या - प्या॑य॒मा॒नः । अ॒मृ॒ता॒य । सो॒म । दि॒वि । श्र॒वा॑ँसि ।
उ॒त्त॒मा॒नी॒त्यु॒त् - त॒मा॒नि । धि॒ष्व । 32 (39)

(आ - म॒न्द॒स्व - सा॒न॒सि - मे॒का॒न्न च॒त्वा॒रि॒ँश॒च्च) (A7)

4.2.8.1

अ॒भ्य॒स्था॒द्-वि॒श्वाः पृ॒त॒ना अ॒रा॒ती॒स्त॒द॒ग्नि॒रा॒ह तदु॑ सो॒म आ॒ह ।
बृ॒ह॒स्प॒तिः स॒वि॒ता त॒न्म आ॒ह पू॒षा मा॑ऽधा॒त् सु॒कृ॒त॒स्य॑ लो॒के ।
य॒द॒क्र॒न्दः प्र॒थ॒मं जा॑य॒मा॒न उ॒द्य॒न्थ् स॒मु॒द्रा॒दु॒त वा॒ पु॒री॒षा॒त् ।
श्ये॑न॒स्य॑ प॒क्षा ह॒रि॒ण॒स्य॑ बा॒हू उ॒प॒स्तु॒तं ज॒नि॒म तत् ते॑ अ॒र्व॒न् ।

अपां॑ पृ॒ष्ठम॑सि॒ योनि॑रग्नेः॒ समु॑द्रमभितः॒ पिन्व॑मानं ।

वर्ध॑मानं मह - [] 33

4.2.8.1 - Padam

अभी॑ति । अ॒स्थात् । वि॒श्वाः॑ । पृ॒तनाः॑ । अ॒रातीः॑ । तत् । अ॒ग्निः॑ ।

आ॒ह । तत् । उ॒ । सोमः॑ । आ॒ह । बृ॒हस्प॑तिः । स॒विता॑ । तत् । मे॒ ।

आ॒ह । पू॒षा । मा॒ । अ॒धात् । सु॒कृत॑स्येति॒ सु - कृत॑स्य । लो॒के ।

यत् । अ॒क्रन्दः॑ । प्र॒थम॑म् । जा॒यमानः॑ । उ॒द्यन्नित्यु॑त्- यन् ।

समु॑द्रात् । उ॒त । वा॒ । पु॒रीषा॑त् । श्ये॒नस्य॑ । प॒क्षा । ह॒रिण॑स्य ।

बा॒हू इति॑ । उ॒पस्तु॑तमित्यु॒प - स्तु॑तम् । ज॒निम॑ । तत् । ते॒ ।

अ॒र्वन् । अ॒पाम् । पृ॒ष्ठम् । अ॒सि । यो॒निः॑ । अ॒ग्नेः॑ । समु॑द्रम् ।

अ॒भितः॑ । पिन्व॑मानम् । वर्ध॑मानम् । महः॑ । 33 (50)

4.2.8.2

आ च॑ पु॒ष्करं॑ दि॒वो मा॑त्रया वरिणा प्रथस्व ।

ब्र॒ह्म ज॒ज्ञानं॑ प्रथमं पु॒रस्ता॑द्वि सी॒मतः॑ सु॒रुचो॑ वे॒न आ॑वः ।

स बु॒ध्निया॑ उ॒पमा॑ अस्य वि॒ष्ठाः स॒तश्च॑ यो॒निम॑स॒तश्च॑ वि॒वः ।

हिरण्यगर्भः समवर्तताग्रे भूतस्य जातः पतिरेक आसीत् ।
स दाधार पृथिवीं द्यामुतेमां कस्मै देवाय हविषा विधेम ।

द्रफ्सश्चस्कन्द पृथिवीमनु - [] 34

4.2.8.2 - Padam

एति । च । पुष्करम् । दिवः । मात्रया । वरिणा । प्रथस्व । ब्रह्म ।
जज्ञानम् । प्रथमम् । पुरस्तात् । वीति । सीमतः । सुरुच इति
सु - रुचः । वेनः । आवः । सः । बुध्नियाः । उपमा इत्युप-माः ।
अस्य । विष्ठा इति वि-स्थाः । सतः । च । योनिम् । असतः । च ।
विवः । हिरण्यगर्भ इति हिरण्य - गर्भः । समिति । अवर्तत । अग्रे ।
भूतस्य । जातः । पतिः । एकः । आसीत् । सः । दाधार ।
पृथिवीम् । द्याम् । उत । इमाम् । कस्मै । देवाय । हविषा । विधेम ।
द्रफ्सः । चस्कन्द । पृथिवीम् । अन्विति । 34 (50)

4.2.8.3

-द्यामिमं च योनिमनु यश्च पूर्वः । तृतीयं योनिमनु सञ्चरन्तं द्रफ्सं
जुहोम्यनु सप्त होत्राः । नमो अस्तु सर्पेभ्यो ये के च पृथिवीमनु ।

ये अ॒न्तरि॑क्षे॒ ये दि॒वि ते॑भ्यः॒ सर्पे॑भ्यो॒ नमः॑ । येऽदो॑ रो॒चने॑ दि॒वो ये
वा सूर्य॑स्य॒ रश्मि॑षु । येषा॑म॒प्सु सदः॑ कृ॒तं ते॑भ्यः॒ सर्पे॑भ्यो॒ नमः॑ ।
या इ॒षवो॑ यातु॒ धाना॑नां () ये॑ वा वन॒स्पती॑र्नु ।
ये वाऽव॑टेषु॒ शेर॑ते ते॒भ्यः सर्पे॑भ्यो॒ नमः॑ । 35

4.2.8.3 - Padam

द्याम् । इ॒मम् । च॒ । योनि॑म् । अ॒न्विति॑ । यः । च॒ । पूर्वः॑ । तृ॒तीयम्॑ ।
योनि॑म् । अ॒न्विति॑ । सञ्च॑रन्तमि॒ति सं - च॑रन्तम् । द्र॒प्सम् ।
जु॒होमि॑ । अ॒न्विति॑ । स॒प्त । हो॒त्राः । नमः॑ । अ॒स्तु । सर्पे॑भ्यः । ये ।
के । च॒ । पृ॒थि॒वीम् । अनु॑ । ये । अ॒न्तरि॑क्षे । ये । दि॒वि । ते॑भ्यः ।
सर्पे॑भ्यः । नमः॑ । ये । अ॒दः । रो॒चने॑ । दि॒वः । ये । वा । सूर्य॑स्य ।
रश्मि॑षु । येषा॑म् । अ॒प्स्वत्य॑प्- सु । सदः॑ । कृ॒तम् । ते॑भ्यः ।
सर्पे॑भ्यः । नमः॑ । याः । इ॒षवः॑ । यातु॑धा॒नाना॑मि॒ति
यातु॑ - धा॒नाना॑म् () । ये । वा । वन॒स्पती॑न् । अनु॑ । ये । वा ।
अ॒व॒टेषु॑ । शेर॑ते । ते॒भ्यः । सर्पे॑भ्यः । नमः॑ । 35 (61)

(महो - ऽनु - यातुधानाना - मेकादश च) (A8)

4.2.9.1

ध्रुवा॑ऽसि॑ धरुणा॑ऽस्तृता॑ विश्व॑कर्मणा॑ सुकृ॑ता ।
मा त्वा॑ समुद्र॑ उद्वधी॑न्मा सु॑पर्णो॑ व्यथ॑माना पृथि॒वीं दृ॑ह ।
प्रजा॑पतिस्त्वा सादयतु॑ पृथि॒व्याः पृ॒ष्ठे व्यच॑स्वतीं॒ प्रथ॑स्वतीं॒ प्रथो॑ऽसि
पृथि॒व्यसि॑ भूर॑सि भूमि॑रस्यदि॒तिरसि॑ विश्व॑धाया विश्व॑स्य भुवन॑स्य
धर्त्री॑ पृथि॒वीं यच्छ॑ पृथि॒वीं दृ॑ह पृथि॒वीं मा हि॑ऽसीर्विश्व॑स्मै
प्राणा॑यापानाय॑ व्याना॑योदानाय॑ प्रतिष्ठा॑यै - [] 36

4.2.9.1 - Padam

ध्रु॒वा । अ॒सि॒ । धरु॑णा॑ । अस्तृ॑ता । विश्व॑कर्म॒णेति॑ विश्व - कर्म॒णा ।
सुकृ॑तेति॒ सु - कृ॒ता । मा । त्वा॑ । समु॒द्रः । उदि॑ति । व॒धीत् । मा ।
सु॒पर्ण इति॑ सु - पर्णः॑ । अव्य॑थमाना । पृथि॒वीम् । दृ॑ह ।
प्रजा॑पतिरिति॒ प्रजा - पतिः॑ । त्वा॑ । साद॑यतु । पृथि॒व्याः । पृ॒ष्ठे ।
व्यच॑स्वतीम् । प्रथ॑स्वतीम् । प्रथः॑ । अ॒सि॒ । पृथि॒वी । अ॒सि॒ । भूः ।
अ॒सि॒ । भूमिः॑ । अ॒सि॒ । अदि॑तिः । अ॒सि॒ ।

वि॒श्व॒धा॒या इति॑ वि॒श्व - धा॒याः । वि॒श्व॒स्य॑ । भु॒व॒न॒स्य॑ । ध॒र्त्री॑ ।
 पृ॒थि॒वी॒म् । य॒च्छ॑ । पृ॒थि॒वी॒म् । दृ॒ह॑ । पृ॒थि॒वी॒म् । मा । हि॒॒सीः॑ ।
 वि॒श्व॒स्मै॑ । प्रा॒णा॒येति॑ प्रा - अ॒नाय॑ । अ॒पा॒ना॒येत्य॑प - अ॒नाय॑ ।
 व्या॒ना॒येति॑ वि - अ॒नाय॑ । उ॒दा॒ना॒येत्यु॑त् - अ॒नाय॑ ।
 प्र॒ति॒ष्ठा॒या इति॑ प्र॒ति - स्था॒यै॑ ॥ 36 (50)

4.2.9.2

च॒रि॒त्रा॒या-ग्नि॑स्त्वाऽभि॒ पा॒तु॑ म॒ह्या॑ स्व॒स्त्या॑ छ॒र्दि॒षा॑ श॒न्त॒मे॒न॑
 तया॑ दे॒व॒तया॑ऽङ्गि॒र॒स्वद्-ध्रु॒वा॑ सी॒द॑ । का॒ण्डा॑त् का॒ण्डा॑त् प्र॒रो॒ह॒न्ती॑
 प॒रु॒षः॑ प॒रु॒षः॑ परि॑ । ए॒वा नो॑ दूर्वे॒ प्र त॑नु॒ सह॒स्रे॑ण॒ श॒ते॒न॑ च । या
 श॒ते॒न॑ प्र॒त॒नो॒षि॑ सह॒स्रे॑ण॒ वि॒रो॒ह॒सि॑ तस्या॒स्ते दे॒वी॒ष्टके॑ वि॒धेम॑ ह॒विषा॑
 व॒यं । अ॒षा॒ढाऽसि॑ सह॒मा॒ना॑ सह॒स्वा॒रा॒तीः॑ सह॒स्वा॒रा॒ती॒यतः॑ सह॒स्व
 पृ॒त॒नाः॑ सह॒स्व॑ पृ॒त॒न्य॒तः॑ । सह॒स्र॑वी॒र्या॑ - [] 37

4.2.9.2 - Padam

च॒रि॒त्रा॒य॑ । अ॒ग्निः॑ । त्वा॑ । अ॒भी॒ति॑ । पा॒तु॑ । म॒ह्या॑ । स्व॒स्त्या॑ ।
 छ॒र्दि॒षा॑ । श॒न्त॒मे॒नेति॑ शं - त॒मे॒न॑ । तया॑ । दे॒व॒तया॑ । अ॒ङ्गि॒र॒स्वत्॑ ।

ध्रु॒वा । सी॒द । का॒ण्डा॑त्काण्डा॑दिति॒ काण्डा॑त् - काण्डा॑त् ।
 प्र॒रोह॑न्तीति॒ प्र - रोह॑न्ती । परु॑षः परु॑ष इति॒ परु॑षः-परु॑षः । परि॑ ।
 ए॒वा । नः॑ । दू॒र्वे । प्रेति॑ । त॒नु । स॒हस्रे॑ण । श॒तेन॑ । च । या ।
 श॒तेन॑ । प्र॒तनो॑षीति॒ प्र - तनो॑षि । स॒हस्रे॑ण । वि॒रोह॑सीति॒
 वि-रोह॑सि । तस्याः॑ । ते । दे॒वि । इ॒ष्टके॑ । वि॒धेम॑ । ह॒विषा॑ । व॒यम् ।
 अ॒षाढा॑ । अ॒सि । स॒हमा॑ना । स॒हस्व॑ । अ॒रातीः॑ । स॒हस्व॑ ।
 अ॒राती॑यतः । स॒हस्व॑ । पृ॒तनाः॑ । स॒हस्व॑ । पृ॒तन्य॑तः ।
 स॒हस्र॑वीर्येति॒ स॒हस्र॑ - वी॒र्या । 37 (50)

4.2.9.3

-सि॒ सा मा॑ जिन्व । म॒धु वा॑ता ऋ॒ताय॑ते म॒धु क्ष॑रन्ति॒ सिन्ध॑वः ।
 मा॒ध्वीर्नः॑ स॒न्त्वोष॑धीः । म॒धु न॑क्त॒मुतो॑षसि॒ म॒धुम॑त् पार्थि॒वꣳ र॑जः ।
 म॒धु द्यौ॑रस्तु॒ नः पि॑ता । म॒धुमा॑न् नो॒ वन॑स्पति-र्म॒धुमाꣳ अ॑स्तु
 सूर्यः॑ । मा॒ध्वीर्गा॑वो भवन्तु॒ नः । म॒ही द्यौः॑ पृथि॒वी च॑ न इ॒मं य॑ज्ञं
 मि॒मिक्ष॑तां । पि॒पृतां॑ नो॒ भरी॑मभिः । तद्-वि॒ष्णोः॑ पर॒मं - [] 38

4.2.9.3 - Padam

अ॒सि॒ । सा॒ । मा॒ । जि॒न्व॒ । म॒धु॑ । वा॒ताः॑ । ऋ॒ता॒य॒त॒ इ॒त्यृ॒त॑ - य॒ते॒ ।
म॒धु॑ । क्ष॒र॒न्ति॑ । सि॒न्ध॒वः॑ । मा॒ध्वीः॑ । नः॑ । स॒न्तु॑ । ओ॒ष॒धीः॑ । म॒धु॑ ।
न॒क्त॑म् । उ॒त॒ । उ॒ष॒सि॑ । म॒धु॑म॒दि॒ति॒ म॒धु॑ - म॒त् । पा॒र॒थि॒व॑म् । र॒जः॑ ।
म॒धु॑ । द्यौः॑ । अ॒स्तु॑ । नः॑ । पि॒ता॒ । म॒धु॑मा॒नि॒ति॒ म॒धु॑ - मा॒न् । नः॑ ।
व॒न॒स्प॒तिः॑ । म॒धु॑मा॒नि॒ति॒ म॒धु॑ - मा॒न् । अ॒स्तु॑ । सूर्यः॑ । मा॒ध्वीः॑ ।
गा॒वः॑ । भ॒व॒न्तु॑ । नः॑ । म॒ही॑ । द्यौः॑ । पृ॒थि॒वी॑ । च॒ । नः॑ । इ॒म॑म् ।
य॒ज्ञ॑म् । मि॒मि॒क्ष॒ता॑म् । पि॒पृ॒ता॑म् । नः॑ । भ॒री॑म॒भि॒रि॒ति॒ भ॒री॑म - भिः॑ ।
तत् । वि॒ष्णाः॑ । प॒र॒म॑म् । 38 (50)

4.2.9.4

प॒द॑ꣳ स॒दा॑ प॒श्य॑न्ति॒ सूर॑यः । दि॒वी॒व॒ च॒क्षु॑रा॒त॒तं॑ । धु॒वा॒ऽसि॑ पृ॒थि॒वि॒
स॒ह॒स्व॑ पृ॒त॒न्य॑तः । स्यू॒ता॑ दे॒वे॒भि॒र॒मृ॒ते॒ना॑ ऽऽगाः॑ । या॒स्ते॑ अ॒ग्ने॒ सूर्ये॑
रु॒च॑ उ॒द्य॒तो॑ दि॒व॒मा॒त॒न्व॑न्ति॒ रश्मि॑भिः । ता॒भिः॑ सर्वा॒भी॒ रु॒चे॑ ज॒ना॒य॑
न॒स्कृ॑धि । या॒ वो॑ दे॒वाः॑ सूर्ये॑ रु॒चो॑ गो॒ष्व॒श्रे॑षु॒ या॒ रु॒चः॑ । इ॒न्द्रा॑ग्नी
ता॒भिः॑ सर्वा॒भी॒ रु॒चं॑ नो॒ ध॒त्त॑ बृ॒ह॒स्प॑ते । वि॒रा॒ड् - [] 39

4.2.9.4 - Padam

पदम् । सदा॑ । पश्य॑न्ति । सूर॑यः । दि॒वि । इ॒व । चक्षुः॑ ।
आ॒त॒त॒मि॒त्या-त॒तम् । ध्रु॒वा । अ॒सि । पृ॒थि॒वि । स॒ह॒स्व । पृ॒त॒न्य॒तः ।
स्यू॑ता । दे॒वे॒भिः । अ॒मृ॒ते॒न । ए॒ति । आ॒गाः । याः । ते । अ॒ग्ने ।
सूर्ये॑ । रुचः॑ । उ॒द्य॒त इ॒त्युत् - य॒तः । दि॒वम् ।
आ॒त॒न्व॒न्ती॒त्या - त॒न्व॒न्ति । र॒श्मि॒भि॒रि॒ति र॒श्मि - भिः । ता॒भिः ।
सर्वा॑भिः । रु॒चे । ज॒नाय॑ । नः । कृ॒धि । याः । वः । दे॒वाः । सूर्ये॑ ।
रुचः॑ । गो॒षु । अ॒श्वेषु॑ । याः । रुचः॑ । इ॒न्द्रा॒ग्नी इ॒तीन्द्र - अ॒ग्नी ।
ता॒भिः । सर्वा॑भिः । रु॒चम् । नः । ध॒त्त । बृ॒ह॒स्प॒ते ।
वि॒राडि॑ति वि - राट् । 39 (50)

4.2.9.5

ज्यो॑तिरधारयथ् स॒म्राड् ज्यो॑तिरधारयथ् स्व॒राड् ज्यो॑तिरधारयत् ।
अ॒ग्ने यु॒क्ष्वा हि ये त॒वाश्वा॑सो दे॒व सा॒ध॒वः । अ॒रं व॑ह॒न्त्या॒श॒वः ।
यु॒क्ष्वा हि दे॒व॒हू॒त॒मा॒ञ् अ॒श्वा॒ञ् अ॒ग्ने र॒थी॑रिव । नि होता॑ पू॒र्व्यः स॒दः ।

द्र॒प्सश्च॑स्क॒न्द पृ॒थि॒वीम॑नु॒ द्या॒मि॒मं च॑ यो॒नि॒म॒नु यश्च॑ पूर्॒वः ।

तृ॒ती॒यं यो॒नि॒म॒नु सञ्च॑रन्तं द्र॒प्सं जु॒हो॒म्य॒नु स॒प्त - [] 40

4.2.9.5 - Padam

ज्यो॒तिः । अ॒धा॒र॒यत् । स॒म्रा॒डि॒ति॒ सम्-राट् । ज्यो॒तिः । अ॒धा॒र॒यत् ।

स्व॒रा॒डि॒ति॒ स्व - राट् । ज्यो॒तिः । अ॒धा॒र॒यत् । अ॒ग्ने॑ । यु॒क्ष्व ।

हि । ये । तव॑ । अश्वा॑सः । दे॒व । सा॒ध॒वः । अ॒रम् । वह॑न्ति ।

आ॒श॒वः । यु॒क्ष्व । हि । दे॒व॒हू॒त॒मा॒नि॒ति॒ दे॒व - हू॒त॒मा॒न् । अश्वा॑न् ।

अ॒ग्ने॑ । र॒थीः । इ॒व । नी॒ति॑ । हो॒ता॑ । पू॒र्व्यः॑ । स॒दः । द्र॒प्सः ।

च॒स्क॒न्द । पृ॒थि॒वी॒म् । अ॒न्वि॒ति॑ । द्या॒म् । इ॒मम् । च॑ । यो॒नि॒म् ।

अ॒न्वि॒ति॑ । यः । च॑ । पू॒र्वः॑ । तृ॒ती॒यम्॑ । यो॒नि॒म् । अ॒न्वि॒ति॑ ।

सञ्च॑रन्तमि॒ति॑ सं - च॒र॒न्त॑म् । द्र॒प्स॑म् । जु॒हो॒मि॑ । अ॒न्वि॒ति॑ ।

स॒प्त । 40 (50)

4.2.9.6

हो॒त्राः॑ । अ॒भू॒दि॒दं वि॑श्वस्य॒ भु॒व॒न॒स्य॑ वा॒जि॒न॒म॒ग्ने-वै॑श्वा॒न॒र॒स्य॑ च॑ ।

अ॒ग्नि॒ज्यो॑ति॒षा ज्यो॑ति॒ष्मा॒न् रु॒क्मो॑ वर्च॒सा॒ वर्च॑स्वान् ।

ऋ॒चे॑ त्वा॒ रु॒चे॑ त्वा॒ समि॑त् स्र॒वन्ति॑ स॒रितो॑ न॒ धेनाः॑ ।
 अ॒न्तर्हृ॒दा॑ म॒नसा॑ पू॒यमा॑नाः । घृ॒तस्य॑ धा॒रा॑ अ॒भि चा॑क॒शीमि॑ ।
 हि॒रण्य॑यो॒ वेत॑सो म॒ध्य आ॑सां । तस्मिन्त्सु॒पर्णो॑ म॒धुकृ॑त् कु॒लायी॑
 भ॒जन्ना॑स्ते म॒धु दे॒वता॑भ्यः । तस्या॑ स॒ ते ह॑रयः स॒प्त ती॑रे ()
 स्व॒धां दु॒हाना॑ अ॒मृत॑स्य॒ धारां॑ । 41

4.2.9.6 - Padam

हो॒त्राः॑ । अ॒भूत् । इ॒दम् । वि॒श्वस्य॑ । भु॒वन॑स्य । वा॒जिन॑म् । अ॒ग्नेः॑ ।
 वै॒श्वान॑रस्य । च । अ॒ग्निः । ज्यो॑तिषा । ज्यो॑तिष्मान् । रु॒क्मः ।
 वर्च॑सा । वर्च॑स्वान् । ऋ॒चे॑ । त्वा॒ रु॒चे॑ । त्वा॒ समि॑ति । इत् ।
 स्र॒वन्ति॑ । स॒रितः॑ । न । धे॒नाः॑ । अ॒न्तः । हृ॒दा॑ । म॒नसा॑ । पू॒यमा॑नाः ।
 घृ॒तस्य॑ । धा॒राः॑ । अ॒भीति॑ । चा॒क॒शीमि॑ । हि॒रण्य॑यः । वे॒तसः॑ ।
 म॒ध्यै । आ॒साम् । तस्मि॑न् । सु॒पर्ण॑ इति सु - पर्णः । म॒धुकृ॑दिति
 म॒धु - कृ॑त् । कु॒लायी॑ । भ॒जन् । आ॑स्ते । म॒धु । दे॒वता॑भ्यः ।
 तस्य॑ । आ॒सते॑ । ह॑रयः । स॒प्त । ती॑रे () । स्व॒धामि॑ति स्व-धाम् ।

दु॒हानाः॑ । अ॒मृत॑स्य । धारा॑म् । 41 (54) (प्रति॑ष्ठायै - सहस्र॑वीर्या -
पर॑मं - वि॒राट्॑ - सप्त - ती॒रे - च॒त्वारि॑ च) (A9)

4.2.10.1

आ॒दि॒त्यं॑ गर्भं॑ पय॑सा सम॒ञ्जन्थ्॑ सहस्र॑स्य प्रति॒मां॑ वि॒श्वरू॑पं ।
परि॑ वृ॒ङ्गि॒ध॒ हर॑सा मा॒ग्भि॑ मृ॒क्षः॑ श॒तायु॑षं कृ॒णु॒हि॑ ची॒यमा॑नः ।
इ॒मं मा॑ हि॒॒सी॒र्द्वि॒पादं॑ प॒शूना॑ सहस्रा॒क्ष॒ मे॒ध आ॑ ची॒यमा॑नः ।
म॒युमा॑रण्यम॒नु ते॑ दि॒शामि॑ तेन॒ चि॒न्वान॑स्त॒नुवो॑ नि॒ षी॑द ॥
वा॒तस्य॑ ध्रा॒जिं व॑रु॒णस्य॑ ना॒भिम॑श्रं॒ जज्ञा॑न् स॒रिर॑स्य म॒ध्ये॑ ।
शि॒शुं न॑दीना॒ हरि॑म॒द्रि॒बुद्ध॑म॒ग्ने मा॑ हि॒॒सीः - [] 42

4.2.10.1 - Padam

आ॒दि॒त्यम् । गर्भ॑म् । पय॑सा । सम॒ञ्जन्ति॑ सं - अ॒ञ्जन् ।
सहस्र॑स्य । प्रति॒मामि॑ति प्रति - माम् । वि॒श्वरू॑पमि॒ति
वि॒श्व-रू॑पम् । परी॑ति । वृ॒ङ्गि॒व॒ हर॑सा । मा । अ॒भीति॑ । मृ॒क्षः ।
श॒तायु॑षमि॒ति श॒त - आ॒युष॑म् । कृ॒णु॒हि॒ ची॒यमा॑नः । इ॒मम् । मा ।
हि॒॒सीः । द्वि॒पाद॑मि॒ति द्वि - पा॑दम् । प॒शूना॑म् ।

सहस्राक्षेति सहस्र - अक्ष । मेधे । एति । चीयमानः । मयुम् ।
 आरण्यम् । अन्विति । ते । दिशामि । तेन । चिन्वानः । तनुवः ।
 नीति । सीद । वातस्य । ध्राजिम् । वरुणस्य । नाभिम् । अश्वम् ।
 जज्ञानम् । सरिरस्य । मध्ये । शिशुम् । नदीनाम् । हरिम् ।
 अद्रिबुद्धमित्यद्रि - बुद्धम् । अग्ने । मा । हि॒ंसीः । 42 (50)

4.2.10.2

परमे व्योमन् । इमं मा हि॒ंसीरेकशफं पशूनां कनिक्रदं
 वाजिनं वाजिनेषु । गौरमारण्यमनु ते दिशामि तेन
 चिन्वानस्तनुवो नि षीद । अजस्रमिन्दुमरुषं भुरण्युमग्निमीडे
 पूर्वचित्तौ नमोभिः । स पर्वभिर्ऋतुशः कल्पमानो गां मा
 हि॒ंसीरदितिं विराजं । इमं॑ समुद्रं॑ शतधारमुत्सं व्यच्यमानं
 भुवनस्य मध्ये । घृतं दुहानामदितिं जनायाग्ने मा - [] 43

4.2.10.2 - Padam

परमे । व्योमन्निति वि - ओमन् । इमम् । मा । हि॒ंसीः ।
 एकशफमित्येक - शफम् । पशूनाम् । कनिक्रदम् ।

वा॒जिन॑म् । वा॒जि॑नेषु । गौ॒रम् । आ॒र॒ण्य॑म् । अ॒न्वि॑ति । ते । दि॒शा॒मि॑ ।
 ते॒न॑ । चि॒न्वा॒नः॑ । त॒नु॒वः॑ । नी॒ति॑ । सी॒द॑ । अ॒ज॒स्र॑म् । इ॒न्दु॑म् ।
 अ॒रु॒ष॑म् । भु॒र॒ण्यु॑म् । अ॒ग्नि॑म् । ई॒डे॑ । पू॒र्व॑चि॒त्ता॒वि॑ति । पू॒र्व॑ - चि॒त्तौ॑ ।
 नमो॑भि॒रि॑ति॒ नमः॑ - भिः । सः । प॒र्व॑भि॒रि॑ति॒ पर्व॑ - भिः । ऋ॒तु॒श
 इ॒त्यृ॑तु - शः । क॒ल्प॑मा॒नः॑ । गा॒म् । मा । हि॒ं॒सीः॑ । अ॒दि॑तिम् ।
 वि॒रा॒ज॑मि॒ति॑ वि - रा॒ज॑म् । इ॒म॑म् । स॒मु॒द्र॑म् । श॒त॒धा॒र॑मि॒ति॑
 श॒त॑ - धा॒र॑म् । उ॒थ्स॑म् । व्य॒च्य॑मा॒न॑मि॒ति॑ वि - अ॒च्य॑मा॒न॑म् ।
 भु॒व॒न॑स्य । म॒ध्ये॑ । घृ॒त॑म् । दु॒हा॒ना॑म् । अ॒दि॑तिम् । ज॒ना॑य ।
 अ॒ग्ने॑ । मा । 43 (50)

4.2.10.3

हि॒ं॒सीः॑ प॒र॒मे॑ व्यो॒म॒न् । ग॒व॒य॑मा॒र॒ण्य॑म॒नु॑ ते दि॒शा॒मि॑ ते॒न॑
 चि॒न्वा॒न॑स्त॒नु॒वो॑ नि षी॒द॑ । व॒रू॒त्रिं॑ त्व॒ष्टु॑र्व॒रु॒ण॑स्य॒ ना॒भि॑म॒विं॑ ज॒ज्ञा॑ना॒ं
 र॒ज॑सः प॒र॒स्मा॑त् । म॒ही॑ सा॒ह॒स्री॑म॒सु॒र॑स्य॒ मा॒या॑म॒ग्ने॑ मा हि॒ं॒सीः॑
 प॒र॒मे॑ व्यो॒म॒न् । इ॒मा॑मू॒र्णा॒युं॑ व॒रु॒ण॑स्य॒ मा॒यां॑ त्व॒चं॑ प॒शू॑नां॒ द्वि॒प॒दां॑

चतु॑ष्पदां॑ । त्वष्टुः॑ प्र॒जानां॑ प्रथ॒मं जनि॑त्रमग्ने॒ मा हि॒॑सीः पर॒मे
व्यो॑मन् । उष्ट्र॑मारण्यमनु - [] 44

4.2.10.3 - Padam

हि॒॑सीः । पर॒मे । व्यो॑मन्निति॒ वि - ओ॒मन् । ग॒वय॑म् । आ॒रण्य॑म् ।
अ॒न्विति॑ । ते । दि॒शामि॑ । तेन॑ । चि॒न्वानः॑ । तनु॑वः । नी॒ति । सी॒द ।
वरू॑त्रिम् । त्वष्टुः॑ । वरु॑णस्य । नाभि॑म् । अ॒विम् । ज॒ज्ञाना॑म् ।
रज॑सः । पर॑स्मात् । म॒हीम् । सा॒हस्री॑म् । अ॒सुर॑स्य । मा॒याम् ।
अग्ने॑ । मा । हि॒॑सीः । पर॒मे । व्यो॑मन्निति॒ वि - ओ॒मन् । इ॒माम् ।
ऊर्णा॑युम् । वरु॑णस्य । मा॒याम् । त्वच॑म् । प॒शूना॑म् । द्वि॒पदा॑मिति॒
द्वि - पदा॑म् । चतु॑ष्पदा॒मिति॒ चतुः - पदा॑म् । त्वष्टुः॑ । प्र॒जाना॑मिति॒
प्र - जाना॑म् । प्रथ॒मम् । जनि॑त्रम् । अग्ने॑ । मा । हि॒॑सीः । पर॒मे ।
व्यो॑मन्निति॒ वि - ओ॒मन् । उष्ट्र॑म् । आ॒रण्य॑म् । अ॒न्विति॑ । 44 (50)

4.2.10.4

ते दि॒शामि॑ तेन॑ चि॒न्वान॑स्तनु॒वो नि॒ षी॑द । यो अ॒ग्नि॑रग्नेस्त-
प॒सोऽधि॑ जा॒तः शो॑चात् पृथि॒व्या उ॒त वा॑ दि॒वस्प॑रि ।

येन॑ प्र॒जा वि॒श्व॒क॒र्मा॑ व्यान॑ट् तम॒ग्ने हे॒डः॑ परि॑ ते वृ॒णक्तु॑ ।
 अजा॑ ह्य॒ग्नेर॑जनिष्ट॒ गर्भा॑त् सा वा अ॒पश्य॑ज्जनितारम॒ग्रै॑ ॥
 तथा॑ रो॒ह॒माय॑न्नुप॒ मे॒ध्या॑सस्तया॒ दे॒वा दे॒वता॑मग्र॒ आय॑न् । शर॒भ- ()
 -मा॒रण्य॑मनु॒ ते दि॒शामि॑ तेन॒ चि॒न्वान॑स्तनुवो॒ निषी॑द । 45

4.2.10.4 - Padam

ते । दि॒शामि॑ । तेन॑ । चि॒न्वानः॑ । तनु॑वः । नीति॑ । सी॒द । यः ।
 अ॒ग्निः । अ॒ग्नेः । तप॑सः । अधी॑ति । जा॒तः । शो॑चात् । पृ॒थि॒व्याः ।
 उ॒त । वा । दि॒वः । परि॑ । येन॑ । प्र॒जा इति॑ प्र - जाः । वि॒श्व॒क॒र्मेति॑
 वि॒श्व - क॒र्मा । व्यान॑डिति॒ वि - आ॑नट् । तम् । अ॒ग्ने । हे॒डः ।
 प॒रीति॑ । ते । वृ॒णक्तु॑ । अजा॑ । हि । अ॒ग्नेः । अ॒जनिष्ट॑ । गर्भा॑त् ।
 सा । वै । अ॒पश्य॑त् । ज॒नितार॑म् । अ॒ग्रै॑ । तथा॑ । रो॒हम् । आ॒यन् ।
 उ॒पेति॑ । मे॒ध्या॑सः । तथा॑ । दे॒वाः । दे॒वता॑म् । अ॒ग्रै॑ । आ॒यन् ।
 शर॒भम् () । आ॒रण्य॑म् । अ॒न्विति॑ । ते । दि॒शामि॑ । तेन॑ ।

चिन्वानः । तनुवः । नीति । सीद । 45 (59)

(अग्ने मा हिंसी - रग्ने मोष्टमा - रण्यमनु - शरभन्
- नव च) (A10)

Special Korvai

(आदित्य मिमन्धिपादे मयुं वातस्या ऽश्च मिम मेकशफ
ङ्गौरम जस्रङ्गवयं वरूत्रि मवि मिमामूर्णार्यु मुष्टं यो अग्निः -
शरभं ।)

4.2.11.1

इन्द्राग्नी रोचना दिवः परि वाजेषु भूषथः । तद्वां चेति प्रवीर्यं ।
श्नथद्-वृत्रमुत सनोति वाजमिन्द्रा यो अग्नी सहुरी सपर्यात् ।
इरज्यन्ता वसव्यस्य भूरेः सहस्तमा सहसा वाजयन्ता ।
प्र चर्षणिभ्यः पृतना हवेषु प्र पृथिव्या रिरिचाथे दिवश्च ।
प्र सिन्धुभ्यः प्रगिरिभ्यो महित्वा प्रेन्द्राग्नी विश्वा भुवनाऽत्यन्या ।
मरुतो यस्य हि - [] 46

4.2.11.1 - Padam

इन्द्रा॑ग्नी॑ इतीन्द्र॑ - अ॒ग्नी॑ । रो॒चना॑ । दि॒वः॑ । प॒रीति॑ । वा॒र्जेषु॑ ।
भू॒षथः॑ । तत् । वा॒म् । चे॒ति॑ । प्रेति॑ । वी॒र्यम्॑ । इ॒नथत्॑ । वृ॒त्रम् ।
उ॒त । स॒नोति॑ । वा॒जम् । इन्द्रा॑ । यः । अ॒ग्नी॑ इति॑ । स॒हुरी॑ इति॑
स - हु॒री । स॒पर्यात्॑ । इ॒रज्यन्ता॑ । व॒सव्यस्य॑ । भू॒रेः॑ । स॒हस्तमेति॑
सहः॑ - त॒मा । स॒हसा॑ । वा॒जयन्तेति॑ वा॒ज - यन्ता॑ । प्रेति॑ ।
च॒र्षणिभ्य॑ इति॑ च॒र्षणि॑-भ्यः । पृ॒तना॑ । ह॒वेषु॑ । प्रेति॑ । पृ॒थिव्याः॑ ।
रि॒रिचाथे॑ इति॑ । दि॒वः॑ । च । प्रेति॑ । सि॒न्धुभ्य॑ इति॑ सि॒न्धु - भ्यः॑ ।
प्रेति॑ । गि॒रिभ्य॑ इति॑ गि॒रि - भ्यः॑ । म॒हित्वेति॑ म॒हि - त्वा॑ । प्रेति॑ ।
इन्द्रा॑ग्नी॑ इतीन्द्र॑ - अ॒ग्नी॑ । वि॒श्वा॑ । भु॒वना॑ । अ॒तीति॑ । अ॒न्या ।
म॒रुतः॑ । य॒स्य॑ । हि । 46 (50)

4.2.11.2

क्ष॒र्ये पा॒था दि॒वो वि॒महसः॑ । स सु॒गोपा॑त॒मो जनः॑ ।
य॒ज्ञैर्वा॑ य॒ज्ञवा॒हसो॑ वि॒प्रस्य॑ वा म॒तीनां॑ । म॒रुतः॑ शृ॒णुता॑ ह॒वं ॥
श्रि॒यसे॑ कं भा॒नुभिः॑ सं मि॒मिक्षि॑रे ते र॒श्मिभि॑स्त ऋ॒क्वभिः॑

सु॒खाद॑यः । ते वा॑शी॒मन्त॑ इ॒ष्मिणो॑ अ॒भीर॑वो वि॒द्रे प्रि॑यस्य॒ मारु॑तस्य
 धाम्नः॑ । अव॑ ते हे॒ड उदु॑त्त॒मं । कया॑ नश्चि॒त्र आ भु॑व॒दूती॑ स॒दा वृ॑धः
 ॥
 सखा॑ । कया॑ श॒चिष्ठ॑या वृ॒ता । 47

4.2.11.2 - Padam

क्षय॑ । पाथ॑ । दिवः॑ । वि॒मह॑स इति॒ वि - मह॑सः । सः ।
 सु॒गोपा॑त॒म इति॑ सु॒गोप॑ - त॒मः । जनः॑ । य॒ज्ञैः । वा । य॒ज्ञवा॑ह॒स
 इति॑ य॒ज्ञ - वा॑ह॒सः । वि॒प्रस्य॑ । वा । म॒तीना॑म् । म॒रुतः॑ । शृ॒णुत॑ ।
 ॥
 हव॑म् । श्रि॒यसे॑ । कम् । भानु॑भिरिति॒ भानु॑ - भिः । स॒मिति॑ ।
 मि॒मिक्षि॑रे । ते । रश्मि॑भिरिति॒ रश्मि॑ - भिः । ते ।
 ऋक्व॑भिरित्यृक्व - भिः । सु॒खाद॑य इति॒ सु - खा॑दयः । ते ।
 वा॑शी॒मन्त॑ इति॒ वाशि॑ - मन्तः । इ॒ष्मिणः॑ । अ॒भीर॑वः । वि॒द्रे ।
 प्रि॑यस्य॒ मारु॑तस्य । धाम्नः॑ । अवे॑ति । ते । हे॒डः । उदि॑ति ।
 उ॒त्तम॑मित्युत् - त॒मम् । कया॑ । नः । चि॒त्रः । एति॑ । भु॒वत् । ऊ॒ती ।
 स॒दावृ॑ध इति॒ सदा॑ - वृ॒धः । सखा॑ । कया॑ । श॒चिष्ठ॑या । वृ॒ता । 47
 (50)

4.2.11.3

को अद्य युङ्क्ते धुरि गा ऋतस्य शिमीवतो भामिनो दुर्हणायून् ।
आसन्निषून् हृथस्वसो मयोभून् य एषां भृत्यामृणधत् स जीवात् ।
अग्ने नया ऽऽदेवानां शन्नो भवन्तु वाजेवाजे ।
अप्स्वग्ने सधिष्टव सौषधीरनु रुध्यसे । गर्भे सञ्जायसे पुनः ।
वृषा सोम द्युमां असि वृषा देव वृषव्रतः । वृषा धर्माणि दधिषे ।
इमं मे () वरुण तत्त्वा यामि त्वं नो अग्ने, स त्वं नो अग्ने । 48

4.2.11.3 - Padam

कः । अद्य । युङ्क्ते । धुरि । गाः । ऋतस्य । शिमीवतः । भामिनः ।
दुर्हणायूनिति दुः - हणायून् । आसन्निषूनित्यासन् - इषून् ।
हृथस्वस इति हृथसु - असः । मयोभूनिति मयः - भून् । यः ।
एषाम् । भृत्याम् । ऋणधत् । सः । जीवात् । अग्ने । नय । एति ।
देवानाम् । शम् । नः । भवन्तु । वाजेवाज इति वाजे - वाजे ।
अप्स्वत्यप्- सु । अग्ने । सधिः । तव । सः । ओषधीः ।
अन्विति । रुध्यसे । गर्भे । सन् । जायसे । पुनः । वृषा । सोम ।

पद पाठे (वाक्य सहित) - चतुर्थकाण्डे - द्वितीयः प्रश्नः

द्यु॑मानि॑ति द्यु॑-मान् । अ॒सि॒ । वृ॒षा॑ ॥ दे॒व । वृ॒ष॑व्र॒त इति॑ वृ॒ष - व्र॒तः॑ ।
वृ॒षा॑ ॥ ध॒र्मा॑णि । द॒धि॒षे॑ । इ॒मम् । मे॒ () । व॒रु॒ण । तत् । त्वा॒ ।
या॒मि॒ । त्वम् । नः॑ । अ॒ग्ने॑ । सः॑ । त्वम् । नः॑ । अ॒ग्ने॑ । 48 (61)
(हि॑ - वृ॒ता - म - ए॒का॑द॒श च) (A11)

Prasna Korvai with starting Padams of 1 to 11 Anuvaakams :-

(वि॒ष्णोः॑ क्र॒मो॑ऽसि - दि॒व॒स्प - र्य॑न्न॒प॒ते - ऽपे॑त - स॒मि॒तं - या॑
जा॒ता - मा॑ नो॒ हि॒ऽसी - द॒भ्य॑स्थाद् - ध्रु॒वा - ऽस्या॑दि॒त्यङ्ग॑र्भ -
मि॒न्द्रा॑ग्नी रोच - नै॒का॑द॒श)

Korvai with starting Padams of 1, 11, 21 Series of Panchaatis :-

(वि॒ष्णो॑ - र॒स्मिन् ह॒व्ये - ति॑ त्वा॒ऽहं - धी॒ति॒भि - हो॑त्रा -
अ॒ष्टा॑च॒त्वारि॑ऽशत्)

पद पाठे (वाक्य सहित) – चतुर्थकाण्डे – द्वितीयः प्रश्नः

First and Last Padam of Second Prasnam of 4th Kandam

(विष्णोः क्रमोऽसि – त्वन्नो अग्ने स त्वन्नो अग्ने)

॥ हरिः ओं ॥

॥ कृष्ण यजुर्वेदीय तैत्तिरीय संहितायां पद पाठे चतुर्थ काण्डे द्वितीयः प्रश्नः
समाप्तः ॥

पद पाठे (वाक्य सहित) – चतुर्थकाण्डे – द्वितीयः प्रश्नः

Details of Panchati and Padam for Kandam 4 – Prasanam 2 – TS 4.2

	Panchati	Padams
Anuvakam 1	5	266
Anuvakam 2	4	204
Anuvakam 3	4	216
Anuvakam 4	4	198
Anuvakam 5	6	322
Anuvakam 6	5	268
Anuvakam 7	4	189
Anuvakam 8	3	161
Anuvakam 9	6	304
Anuvakam 10	4	209
Anuvakam 11	3	161
Total →	48	2498

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in